

嘉慶松江府志

松江府志卷十一

山川志 水利

萬歷四年巡撫都御史宋儀望言三吳水勢松江為諸水
所受最居下乞專設水利僉事官部議遣御史董之明

河渠志

附宋儀望疏略 三吳水勢東南自嘉秀沿海而北
皆趨松江循黃浦入海西北自常鎮沿江而東皆趨
江陰常熟其中太湖諸蓄匯為巨浸流注龐山濱墅
毆山三泖陽城諸湖乃開浦引湖北經常熟七浦白
茅諸港入于江東北經崑山太倉穿劉家河東南通
吳松江黃浦入于海諸水聯絡四面環護中如仰孟
杭嘉湖常鎮勢繞四隅蘇州居中松
江最下乞專設水利僉事以裨國計

五年華亭知縣鄧鶴因鹽鐵等塘開塞無常壩截卯涇

又濬橫涇上海知縣敖選青浦知縣屠隆會詳疏濬吳

松江

自黃渡鎮西關家墳起直抵慢水港以及澱湖諸口

北開大瓦夏駕吳塘安

亭等浦南濬趙屯蟠龍橫漚等塘導水入江各置石牕

啓閉以時上海又濬周浦塘馬家浜

陳志

六年御史林應訓督知府閻邦寧濬大川六支流四十

七港浜之小者九十有一求圩岸之故迹盡修築之踰

年乃成作水利圩圖

徐文貞公階有序郭志

案明史河渠志萬歷六年巡撫都御史胡執禮請先濬吳松江長橋黃浦先是巡按御史林應訓言蘇松水利在開吳松江中段以通入海之勢從之至是工成又言松江大黃浦西南受杭嘉之水西北受澱泖諸蕩之水總會於浦而秀州塘山涇港諸處實黃浦來源澱山湖入黃浦道漸多於淺宜爲疏濬而自黃

浦橫僚朱涇經秀州塘入南柳至山涇港等處百四
千餘丈待情尤急宜設法開導從其請與舊志稍異

附記之明史百四

千餘丈百字疑誤

林應訓開江工費疏略

于吳松江而吳江其來源也今日最要者在蘇郡莫先

山涇港秀州諸塘其來源也太湖入海其道有三東

北由劉家河入海即古婁江東南由大黃浦入海即

古東江其中為吳松江經崑山嘉定上海青浦四縣

界入海乃太湖之正脈比之河浦尤為要害今河浦

皆通而中江獨塞者蓋江水之流與海潮遇海潮渾

濁來則淘湧其勢莫禦去則遲緩其泥易淀所賴江

水迅駛而衝滌之耳劉家河獨受巴陽諸河之水又

有新洋江夏界浦諸水從旁注之黃浦總會杭嘉二

郡之水又有嚴山柳蕩諸水從上灌之是以流皆清

駛足以敵潮雖有渾濁不能淤也惟吳松江不然其

源出于長橋石塘之下經龐山九里二湖而入今長

橋石塘二處則湮塞矣龐山九里二湖則淤漲矣其

來已微又其中為新洋江夏界浦等處掣其水以入

劉家河其勢益弱其與潮遇也安能勝其洶湧而滌

其濁流耶臣今看得自艾祁至崑山漫水港六十餘里急當開濬覆經丈計土方實該工食銀四萬五千七百三十九兩有奇此江一開則太湖之水直入于海歲或霖潦可免泛溢而就中傍江河渠得以引流溉田將來青浦等一帶積荒之區俱可墾種成熟矣黃浦西南受杭嘉二郡之水西北受澱泖諸蕩之水總會于浦入海夫江自浦自浦如人兩足各無疾痛則各自伸縮原不相妨今懼江之開而浦之塞者是必入浦之路有所礙也若自澱山湖分流入浦一帶淫港凡有淤淺併為疏濬則兩利俱存矣臣今看得自黃浦橫潦涇經秀州塘入南泖至山涇港等處急應開濬覆經丈計土方實該工食銀三萬六千一百一十餘兩此河一開則雲間西來之水無所阻滯而黃浦之流為益快田間溝洫皆可旁達以資灌溉之澤矣于國計民生實有裨益云云

又徐文貞階與撫院論水利書 凡言水利者大率二端蓄與洩是也而所謂蓄洩有大蓄洩焉有小蓄洩焉大洩者以海為壑鑿白茅諸港與松諸江導江湖之水而注之尾閭也大蓄者去江湖之淤澱使足

以受支河之水也小洩者以近田之支河爲壑導田
間之水而注其中也小蓄者疏濬支河使足以受田
間之水也夫專意于洩于救潦可矣卽不幸五六月
間復如去歲之雨何以濟之不若致力于蓄則旱
勢用財力必多未易猝舉今姑治其小則莫若修築
圩岸然亦不可概云修築而已微邑之田東西二鄉
高下迥絕東鄉本不苦水岸高則車救愈勞當令各
以修築之力疏濬支河爲蓄水計仍遠徙其泥毋俾
復塞西鄉圩岸在所必築而艱于得土亦當督令濬
河因取塗泥附之舊岸築而加高廣
焉庶財力不虛費而旱潦有備也
又陸文定樹聲與按院論水利書治水之大要有
二曰蓄曰洩非蓄無以防旱非洩無以禦潦非獨有
洩而無蓄也故三吳謂之澤國澤者水所鍾也如主
于治潦欲一決而洩之不幾于因噎而廢食乎今吳
江而下浦港支渠分流而東者謂之西水西水盛則
海潮不能駕越邇緣支河淺澀西水之來者微緩海
潮之至者湍迅故潮至則勢急而退速潮去則沙留
而易凝退速則無權輸之實易凝則多淤澱之虞所

謂水鹹泥濁者此也今所慮者湖沙日積河身漸仰其于蓄洩不無兩妨論者謂吳江長橋之水迤邐而東由浦港支渠分流放于海而下猶之自咽喉而達之胸腹腸胃以下注尾閭者也如令咽喉梗噎胸腹腸胃壅塞則尾閭雖通而津液不注關鬲且將不利矣故浦港支河尤宜濬治務令深下則停蓄流通無所壅塞遇潦則水藉以容納而不至于漫延遇旱則水得以車戽而不苦于乾膜此兩利之道也若田閒水道則責令田戶各加疏濬此又不待言矣

七年華亭知縣楊東野濬蟠龍塘

自蟠龍橋至北蟠沙龍橋止長十二里

岡

自南橋塘抵柘林所

御史涇上橫涇下橫涇三汊河上海知縣

敖選濬都堂浦鹹塘

長三十餘里

青浦知縣屠隆濬大山涇

小山涇陸家浜

陳志

八年林應訓又言蘇松諸郡幹河支港凡數百大則洩

水入海次則通湖達江小則引流灌田今吳松江白茅塘秀州塘蒲匯塘孟瀆河舜河青陽港俱已告成支河數十宜盡開濬俱從之

明史河渠志

是年華亭知縣楊東野

泖

陳志

九年華亭知縣楊東野濬招賢涇

前志云其闊九丈五尺

奉賢涇

陳志

十年松江通判劉師召開濬奉賢黃泥白龍百曲新港白蓮三林走馬虬江等河修築殿泖黃浦等處隄岸

郭志

十二年通判鄒志學上海知縣顏洪範建日赤港石牯

松江府志

卷十一

四

上海縣志

十六年用宋儀望議特設蘇松水利副使以許應遠領

之濬吳松八十餘里築塘九十餘處開新河百二十三

道濬內河百三十九道

明史河渠志月紀事本末載在萬曆十五年

案此條不載年

而陳志記神宗敕諭許應遠云云在十六年與江南通志台存之俟考

二十六年上海知縣許汝魁築捍浦塘

副使黃體仁有記上海志

二十七年知府許維新濬日月河

陳志

上海知縣徐可求

開小南門水關復薛家浜故道

上海縣志塞係上海人

案此水通築城斷塞嘉隆以來屢議鑿城復故道并建水閘知縣

敖選許汝魁先後詳開復為勞家所阻至是紳士力請

鑿開

二十八年知府許維新開濬府城市河特委上海縣典史龐尙鴻經理其役凡勢家占造水橋河房悉皆撤去東西兩關直河南北岸拓復故迹一丈有奇初衆議難之尙鴻不畏強禦三月而竣至于編工計程不役塘長造船運土棄之廢地隨濬而畢尤爲良法

郭志許樂善有碑記

三十六年巡撫周孔教檄修圩岸

郭志

修築圩岸公移水患異常圩埂盡決趁此水涸之時若不亟爲修治則來年水發內外流通車戽難施無復種作之期矣其出粟出力之方盡圩分築之法誠恐縣官視爲可緩田主吝于出粟遷延誤事爲害非細相應申飭各屬掌印官俱要停止詞訟輕與寡從自備蔬食逐一躬詣田間要見遍縣共圩若干某圩原埂長若干丈闊若干丈高若干丈今被衝壞若干丈計該增闢若干高若干長若干每丈用工若干

費銀若干估計派定照冊某人田若干畝計畝起工
明開某人該工若干大書告示張掛本圖本鄉公衆
處所隨于本圩中擇有身家善良二人充爲圩長令
其朝夕督工不許生事科派縣官周環巡視其工力
浩繁民力不支者酌量大小貢算多寡或請給稻米
以明勤率或請借官帑以資力本務要人各協心工
必堅固庶水至得以防護水退可以車救圩長大戶
人等如勤効力盡心任事工程能固報完能先事
畢之日酌量工力或給冠帶或賜扁獎縣官悉心經
理速有成績卽係荒政修舉定當首錄儻不以實心
任事止于虛文塞責也
決不以體面姑息也
又濬築河圩公移各屬掌印官督行水利官前去
所轄境內躬親料理如岸塍之卑薄者作速修築河
渠之淺澀者作速疏通如掘河中之土築傍河之岸則
程大者議動官銀協助一舉兩得遇早可資灌漑遇潦
河既深通兩岸亦堅固此係民類所關三吳第一要務
可備蓄洩兩利俱存此係民類所關三吳第一要務
文到卽時舉行一定水鄉圩岸之式高鄉田地
以河渠爲命脈低鄉田地以隄岸爲命脈而圍岸釐

岸二者兼舉則旱潦有備大凡田之周遭沿河築岸
中爲圩田小者數十畝大至數千畝所謂圩岸是也
或通人烟往來又名官塘但地形不平惟水最平一
圩之中必有稍高稍低之處又有最高最低之處而
水性就下必就低處若無餘岸則高處常涸低處常
溢一圩自外旱潦矣必用餘岸以分之餘者隔別彼
此之名圩岸外拒內攔勢如城郭當以堅厚爲主其
厚薄視圩岸之高低而高低隨地形之卑亢須詳稽
潦時水勢令圩岸高出一二尺則可無虞矣大約率
大河處高以丈許爲率傍內河處高以五六尺爲率
高一丈者基闊二丈高五尺者基闊一丈但圩之四
圍當如一轍若四圍皆高而一方獨低則全圩皆屬
無用矣四圍皆堅而一方獨毀則全圩終被淹沒矣
然岸基所占之土亦非盡置之無用如高一丈者頂
面止闊四五尺其內副岸可闊一丈而副岸視頂面
約低二三尺以其內副岸故名副岸俗曰畝塌又
名項頭可種菜豆諸雜種是岸基二丈實拚廢一丈
地耳至戢岸但界田閒之水不必太高太厚其高約
與副岸等如戢岸高五尺岸頂闊半之基與高等而
岸頂不係人畜行走處或可種豆此土大都屬之無

用矣民間惜地不肯分立餞岸者以此不思水發時
若有餞岸萬一大園潰壞纔及一餞則鄰餞尙保無
虞且浸止一餞衆力可厚此家自爲守之良法也又
地形差別有合衆小圩或包裹溝渠數十而爲一大
圍者其圩岸尤宜高厚但圩岸與官塘頂面論法當
不在起科之數一定督率圩工之法凡低鄉修
圩岸之法與濬河不同當先別工程之難易次合一
圩而齊舉要在督率有方視河工較易爲力也夫岸
壞必被淹沒不待智者始知之而往往任其傾頽不
急修築者只爲利害全圩相關人情最難齊一假如
一圩千畝不下數十家若一家相持彼此觀望非藉官
好之岸總歸無益其閒貧富相持彼此觀望非藉官
府驅率豈能使之一體修完且圩岸一周止是利賴
一圩之田非若河流資溉可概派一畝一區也法當
將該圩四圍丈量明白計岸若干如圩田千畝計岸
一千二百丈每畝應派築一丈二尺矣此論五年一
修築則然其年年修補漏增葺頂面在沿岸人戶
自宜任之其爲力亦甚易也餞岸修築亦準此例其
五年修築之法塘長該年會同本圩人戶沿圩踏勘
約用民力一日者爲一工用竹籤插記每十工爲一

段編作某字號釘一夫椿而夫椿之內但計工力不
計圩岸丈尺次將合圩田畝約算明白照畝派工每
工以五升為率其工冊冊工單查比給米悉與河工相
同官府止于勘一圩岸餓岸高卑厚薄式樣載入冊
內務要台圩一轍而圩工丈量又不若河工之難但
持二竿豎立岸之兩邊并以一竿架測岸基并量岸
頂則舉目瞭然矣若係往來途為一水所利賴者
名曰大工常用一區工力為之須有木椿竹笆甚則
而成或兩水相夾易于浸倒者須用木椿竹笆甚則
必用石剝方可成功先酌民力有不足者佐以官帑
名曰頻難大工凡係役相為循環五年一輪如每百
畝每年只以二十畝應役五年自為循環而每年所
派築圩工食亦以每畝二升為止因水鄉本圩之內
自有年小修五年大修之圩役也水鄉本圩之內
之時凡圩工不獨用農畢餘力又要避雨雪冰凍
之日如係平地挑築須于十月未凍時興工先築一
半承受殘冬初春雨雪上一頓堆高可耐久遠者而
築一半其堅可恃未有一山川志水利

基猶須堅實如岸高一丈其下五尺須分作十次加
上每次加土五寸杵築一次其土五尺分作五次加
上每次加土一尺杵築一次其他圩岸戩岸若每歲
之小修須在二三月冰釋凍解時名曰燕子泥土膏
發動最易黏聯一人用鐵搭撈取田中溼泥補岸一
人持大木敲實便與老岸合縫可備一年之淋漓衝
塌矣若非年年修補不免終成
漏竇日久潰裂斷所不免也
又禁包攬公移水利興廢以備曠溢蓄洩所關農
務綦重要在高鄉各清溝渠使深以禦旱低鄉各修
圩岸使堅以救水惟是役不離鄉民各自便為善不
意一種市棍號曰泥頭慣與奸胥明謀蠶食先將各
區各畝雜派編役以開包攬之門如高鄉塘長派低
鄉塘長派泥頭包攬一時東西奔走不支無可如何勢
得不致泥頭包攬在泥頭增一攬得銀輒與胥役分受
不顧公事問一刺去岸草增高樣墩墩白以為開河而
河塞如故問一撈起淤泥略塗岸面自以為築圩而
圩壞如故甚至一畝而今年又開終于不開總之利歸于
一溝而今年開明年又開該府縣將各區畝細造書冊不
胥害積于地方今行該府縣將各區畝細造書冊不

拘高鄉低鄉逐項開載本屆附近某大河某官塘本
屆某港某圩岸不問靠塘腹裏一體分段應各業戶
自照田畝開若干底面深廣若干一具冊一留本
府一解院道永不許奸胥撥派動搖并豪家借用塘
長以致案亂庶包役夫銀永永不乾沒于塘長不垂
涎于積棍如有積棍假泥頭爲名包攬悞工者照例
問遣大指各執本鄉物力興本鄉水利必無使神奸
侵牟以致乍行乍止有名無實至于城郭市河與城
濠運泥亦應核實導河官銀或派居民沿門各自
疏濬決不可以小荒度聽奸胥妄編滋弊無已
詳行華亭知縣嚴紹昌濬築成規并工冊工單式
一定每年一役之法如華亭縣有八十區區管數
共計六百餘區有塘長職在督率該年任一區之
水利屆有該年職在督率細戶任一區之水其法
每年輪一人主之八月上役及期而代此常規也往
年之弊坐在法無畫一或差或停任意行上或輕或
重任意派撥于是奸胥窟穴其中塘長該年之精神
不用之清築而用之布置百姓之脂膏不盡之于河
圩而盡之使費此一大弊也今將各區水利酌其緩
急劑量輕重分爲五工每年定興一工周而復始法

既盡一力亦均平巧無倖免拙無獨勞而年年有實
濬之河渠實修之圩岸矣一定工不出區之法今
之神姦利于亂撥塘長名曰概縣通融實則丁不著
役蓋塘長止是一人該年亦不過數人驅而或東或
西無難供命也而塘長該年所統率之細戶一畝不
下百人一區不下千人小民朝夕營生不離場畝豈
能羣數百千人供役于數十里之外勢不得不搜括
囊橐以就泥頭之包攬于是百孔千竅從此而出今
定爲工不出區之法家家戶戶使可含哺餵而事畜
鰥率妻孥以相舂杵冬夏之交農事未興民閒工力
乃其所饒且各自濬其灌溉之河渠自築其防禦之
隄岸民雖至愚亦當倍奮矣一定冬月興工之法
往年役法混淆則撥派有利胥徒喜于有事需索百
端塘長利于奔走今法既盡一但有拮据之勞絕無
乾沒之寶惟有一味壓捺多方規避推過冬春便可
漏脫一年議者云工不出區之法大弊已革而大利
未興正指此也今將一區之內高鄉則計應濬河渠
若干低鄉則計應修塘岸若干長短闊狹逐一丈明
造冊每區繪一總圖并該區畝田畝實數一覽昭然
本縣親令各區耆塘長該年會同本區區糧長排年

從公酌量先分水利緩急次計工力多少均勻搭配
分爲五工五年爲率遇而復始圖冊既定每年舉行
限定十月月中農工既畢塘長該年赴縣遵照原編工
次投領督工白牌分工告示并有工冊工單督率興工
定限三月月中農興之日爲止如有冬不領工春不完
工區責塘長尚責該年仍委官親臨督責務完一年
分定工次而後已如塘長該年作弊曠役并有豪猾
故意阻撓致悞一方水利者許委官申究坐罪則往
日之奸棍不復能以虛名漁利今日之田戶亦不得
以偷安廢業矣一定分段算土之法冬月塘長赴
縣照分定每年工冊具認狀領工後該本縣酌係大
工卽日親詣勘段派工餘則或行水利衙官或委別
官減從親行勘派之日塘長該年會同該區糧長該
衙排年眼同分段務在至公蓋地勢河身隨步換形
若一槩云某河長若干闊若干今應濬若干其開淺
溪闊狹難易不同人情必有不均之歎工程便無責
實之理故勘河之時務盡其法須駕小舟行河中心
用畫準丈竿沿河點水所測淺深卽便冊記兩邊河
涯水際各用一人徒跣而行持竿點水冊記如之又
用兩入于兩涯水際拽繩而行以量河面丈尺又水利

遠堆大約相去十二丈該用二人接挑計每日可置
挑三人約可去土四百挑計四日積一十二工方更
去土千尺名曰一方而置土之人其力稍省法當更
番以均勞逸照范文正公河工給米法每日給銀錢
米五升最爲中正蓋業戶出食佃戶出力若給銀錢
易于生弊若僱募閒民亦照此例或半支銀錢卽以
米價在之每一方一丈用人十二該工食米六斗如
河夫大約一人接挑可行八丈若行河底泥淖中挑
人或從河登岸或岸上堆土從早至高用力甚難其
半之須一岸至地酌量每增路九丈應增接挑一人
每方該增四工計加工食米二斗遠近加減悉准此
例分段之後此法既明卽萬夫負畚于郊外一人握
算于堂中勤惰不難立判矣夫一定照田均派之人
土方折算既明不論優免亦不論灌漑及與不及查
係該區本年工次卽將該區田地一萬五千畝應
開河之役以本區有田三萬畝以一年開河之役兩
轉互爲歇息如一萬五千畝應乙年開河之役兩
後五甲開乙歲之河亦互爲循環如官甲團戶有田

二百畝為甲歲役田百畝乙歲役田百畝亦當白為
循環不致併累所以不論優免者灌河本以資灌漑
備旱潦為己田耕耨之計非公家力役之比也至于
該區田畝則五年輪一次第無不周徧更不當論灌
漑及與不及況此區數里之內餘河枝河大小資灌
苦樂原是不相通此眾擎易舉之法亦通力合作之意
也即有河道深闊處五年輪一次第無不周徧更不當
圖規避蓋通流常稔之田尤當效分力協工之義且
十年再勘勞逸均受耕力歸一古記鄉田同井諺稱
同區合命揆之理勢應當如是但塘長該年十年輪
當一次督率之役常少歇息之日常用其力使得可繼
人夫以每畝出米二升為止每土方一丈役日三四
大約或五六畝如該區本年工小土方數少不妨
十畝或五六畝如該區本年工小土方數少不妨
減至幾合多則必不可過也如工鉅難完法當先清
一半餘俟來年其已後工程遞年挨去但該區一年
完舉一役河渠自有開灌之期而該區一歲之內法
無再舉以傷民命之理區內有拋荒地及逃亡孤
苦鰥寡老病果係貧難人戶于勘工之日許塘長該
年對眾冊開果無情弊特與免派該區不得過數百

畝以卹眞正艱窘之輩一定督率工力之法當分
段造冊之後逐段丈尺瞭然日中然後將該區應清
河身共該若干逐段折算應挑土方若干大將該區
本年應役田地算該每田幾十畝派開土一方如不
係親身赴工者應給與佃戶及做工人大書告示張掛
千每畝應出米若干逐一折算明白大書告示張掛
工所塘長該年據法細算逐段土方計該若干應照
某箇某甲業戶某某該田幾畝若干應清若干應照
示逐一開註工冊送縣覆驗無弊給與印信遵守然
後同該年至河公同輪役五甲業戶分釘夫椿椿上
明書土方丈尺及業戶姓名各人認椿赴工不得
避其各箇該年又將本區應清夫椿每夫椿河工一
段填寫工單一紙給與應役人夫以爲記工支米之
據每日塘長執官給白牌督率一區工役該年鳴鑼
催趨一箇人夫俱要時刻在河不得少懈至晚該年
各就夫椿將一日清河人夫填註工單該年又將一
日內該箇洛河人夫總數報之塘長填註工冊以俟
比較自興工之日爲始每半月爲一限至期塘長該
年將冊送縣查比如工小赴水利衙查比區工抗拒
分數責塘長箇工不及分數責該年若有頑戶抗拒

不行赴工又不給與佃戶人夫工食又或人夫支領
工食用力不齊許令塘長開報定以晴天十五日後爲一限
若遇風霾雨雪塘長開報定以晴天十五日後爲一限
三限完工該年故半月送冊查比而一區之勤惰立
全在塘長該年故半月送冊查比而一區之勤惰立
見矣若頑戶最多之處必官府親詣工所查勘此較
人心方奮勵至如勘河分段及事畢查工大工則印
官親行小工則水利衙或委官代之一將工冊工
單臨河丈量方則水利衙或委官代之一將工冊工
椿爲土初分段編號時兩岸相對各釘一橛用土封
識者名曰信椿一將木概三根刻記丈尺二釘兩邊
岸底一釘河心與水面平河本無水者與土平名曰
樣椿若有水者除去河水尺寸若干將應開尺寸釘
入土中無水者將應開尺寸釘入土中即時逐段冊
記明白每比限時露竿一尺則去土一尺矣工完時
樣竿原刻尺寸盡露則去土盡如數矣須河心與兩
岸樣椿相同者方爲合式又用丈繩于兩岸信椿相
向拽平立丈竿于樣椿之上以量虛河淺深如繩在
竿十尺上則虛河深十尺矣取初勘時造定丈尺查
之尺寸不能欺也其逐段中或一戶白濬若干或數

戶朋濬或一甲朋濬若干各分認工次公同塘長該
年丈量分認釘樁爲記名曰夫椿總之三椿者稽工
之準也冊單竿繩稽工之法也所憑全以原造河冊爲主
椿測竿拽繩稱工之法凡溝渠浜樓田土附之蓄洩
者一定官助興工之法凡溝渠浜樓田土附之蓄洩
民力無煩官帑而枝河之通流全藉大河爲之原委
如枝葉之有本幹也名曰幹河若濬幹河先將工程
計算土方明白造冊次將幹河經過區畛合算輪年
應役田畝民力能任幾何其餘工力須憑官爲設處
協助方能興工但官力所開之河亦不必任用泥頭
別作分派只就原分河段信椿及細分夫椿明算土
方丈尺其民力應開者責令自開其官力協助者卽
將官帑銀米照土方丈尺給與各夫仍填註于各夫
工單之上以憑稽查但工單留各夫之手工冊留塘
長之手若有給散務要眼同對註明白方准給散若
各夫不係田戶佃戶必要親議保認方准給發恐錢
糧入手卽便逃躲廢工也若給散時塘長該年無故
阻撓需索及各夫親領之後爲之設法侵漁者定以
賊究若衙門人役因而賺取者一體究治

單給米之法官府始終查工全憑原勘河册而塘長
所司在工册各夫所執在工單工單者計工在此支
領工食填註于此限期比驗工畢查驗亦在于此但
夫給一紙太覺瑣屑祇于逐段中每一夫椿給單一
紙或一戶或朋戶總以一單如係田戶本身赴工只
照告示派工法據田認方不必復論工食矣如係佃
戶開河或係開民做工當依單上原填丈尺照例支
米其每日在河開濬工次該年逐日填註其支領工
食數目業戶註明單上方行給發他日據此稽查各
無欺隱若佃戶及做工人夫領米入手開土不如式
樣許業主呈明官府驗單清理若佃戶人或等違依
工土方無誤而業主抗法不給工食或故意短少亦
許佃戶人等執單呈官拘提追給又如幹河工程准
大官帑協助錢糧亦明註二單一體查考一定重要
害陂壩之法水利之酌盈劑虛全在乎建陂置壩宋
范文正公言修園濬河建陂三者如鼎足缺一不可
浙東地形高卑不一今時水利最善無如寧紹以其
講于壩陂之制今沿海地方不能深濬河渠蓄用山
源湖蕩之水往往專用江海衝潮淤塞故道為害不
小且湖水澄清底泥淤農夫甬取壅田年復一年

田愈美而湖愈深濁潮灌田沙積田中田力日薄一
遇大雨浮沙滲入禾心苗生漸弱而所收亦薄利害
懸絕今議于豐穰之年值河身開深處相度形勢宜
建廬以時啓閉或有當築壩堰攔截者其工料之費
俱于該區田地輪應本年出米清河數內量取其半
餘則助以官帑此亦美利之當興者一定勘河省
役之法凡勘河之法先令該區畫一河圩總圖次開
幹河枝河幾條然後按圖披冊逐一丈量通計某河
若干丈自某至某而廣若干底廣若干河深若干分
段註明不惟開濬時可計工力儻有侵占河道致妨
水利者亦可以時清理其該區內有河身深廣通流
者載明冊中無煩工力即一河之身有南段塞而北
段通流者亦有南北塞而中段通流者一註明緩
濬以省民力但地形水勢變遷不常法當十年一勘
酌量緩急
派分工次
案明史河渠志萬歷三十七八年閭淫雨浸溢水患
日熾越數年給事中歸子願言宋時吳松江闊九里
元末淤塞正統間周忱立表江心疏而濬之崔恭徐
貫李允闢海瑞相繼濬者凡五迄今四十餘年廢而

不諱宜使江關水駛塘浦支河分流四達疏入
留中巡按薛貞請濬吳松江疏略大湖之水三江
附巡按薛貞請濬吳松江疏略大湖之水三江受
之三江之水大海受之其北由劉家河入海所為
江也其南由黃浦入海所謂東江也吳松一江獨
其中今此江既塞田間水道日就淺淤遇旬日之
則一望瀰漫無從瀉出二麥新禾俱成腐爛幸而
霽數日則又車戽無資田疇龜坼禾苗立見枯槁
司奉檄追徵但知東南凋敝而不知凋敝之由亦
于此監司但知東南凋敤而不知凋敤之由亦原
此此江之開濬何可一日不講哉議者或以旱潦
仍公私俱匱不宜興作此未觀利害之原者也夫
潦相仍正由水利湮廢計四府所入歲不下數百
而一遇災傷蠲免卽三四十萬流亡逋負不能追
者又不知幾十萬疏濬之費准其凶荒
陰耗之責其孰得孰失不待較而知也

三十九年同知朱勲疏濬蒲匯塘

陳志

四十五年上海知縣呂濬開郡城抵縣內外水道

郭志

附陸彥章碑記略上海澤國也城中市民屢雜
礫雜投而豪家大族漁聞井小利岸日益拓河
狹久則屋其上無故迹可尋故市民旱則涸無
求潦則溝澮無所洩穢則蒸瘴火則延熾城西
漸成平陸郡邑往來者非步即騎不然取道龍
黃浦始得達湖退則一芥可膠風橫則萬斛可
公至爲父老疏城中河旁有屋其上者不問單
豪貴立微如河故迹而止凡百日而工竣乃疏
河城西自肇家浜至新港連十八里城北虬江
定涇十五里丁夫雲集又他歲晚冬曠凡百日
又竣自是郡城之舟直泊縣門汲者
舍浦而城行者舍騎而舟公私交利

天啓元年華亭知縣章允儒同呂濬濬莘村塘華亭長二

千三百丈上海長一千丈郭志呂濬又濬蒲匯塘肇家浜

及城內市河又修築浦塘上海縣志青浦知縣卓邁濬走馬

塘長三千九百丈青浦縣志

二年華亭知縣郭如闇濬官紹塘橫厯河長二千丈有
奇上海知縣鮑奇謨濬張家塘東自黃浦口起至華亭
界長三千二百丈

郭志

三年郭如闇復濬府東北城濠二百四十丈

郭志

四年郭如闇復濬蒲匯塘徐家浜及城內穿心市河長

三千五百餘丈

郭志

五年華亭知縣徐尙勲濬海螺港長一千七百八十丈

鮑奇謨復濬張家塘長一千一百六十丈徐尙勲復濬

城濠河涇及集賢涇黃橋門等河

郭志

自萬厯間頻遭水患專設導河夫役
有司加意修濬每歲舉行江利潮通

六年青浦知縣鄭友元修築田圩青浦白水災後低鄉田畝日窪友元令業主出米佃戶輸力分大圩為小圩界長圩為短圩便于戽救旁邑傳以為式

郭志

崇禎元年蘇松水利道張孝濟華亭莘村蒲匯官紹等塘長六千四百餘丈濬上海陸道浜莘村塘小厝港四千

七百餘丈

郭志

案明史河渠志崇禎初員外郎陳懋德巡撫都御史李待問請開吳松白茅久之御史李模復請開濬俱未行

附陳懋德請開吳松江疏略臣鄉吳地疊災奇困數年之間大浸居其七八至丁卯一歲中水患風三災迭告訪之父老僉謂吳水鄉以水為利而今反受水害者惟水政之久廢而莫舉也臣按江南水患永

樂二年特命夏原吉疏治正統五年特命周忱宏治
四年特命徐貫其他用部郎臬司與地方有司隨時
濬理大約十餘年一興水利以故歲不告潦田獲有
秋國家額賦輸將不竭而府縣尚有餘積以備不虞
乃今水利之不興已數十年吳松江入海故道化爲
平陸白茅七浦鹽鐵等洩水大川僅存一綫至劉家
河尚通而潮沙漸淤亦非故跡所以一遇淫霖太湖
西來數郡山水奔注蘇松下流無從宣洩數百萬頃
良田悉成巨浸夫臣鄉雖一隅財賦半天下況今邊
警需餉仰給東南尤爲急切及今不治水患日甚一
日災祲易乘蠲賑難望小民皮毛俱盡猝有他虞卽
國賦將安所從出哉當事諸臣非不熟知此爲要計
而苦值公私交匱不敢輕舉臣愚以爲幸遇聖明在
上軫念東南卽如織造上供仰荷停免則此項錢糧
中酌其可動支者并清查原設導河夫銀卽足充開
濬水利之費仍倣祖宗朝例責任大臣假以便宜聽
其相度期于成功而後報命卽以所留于地方之物
力與地方無窮之大利不但立拯億萬壑弱生靈于
衽席之上且使江南數百萬賦稅源源而上輸渙小
成大儲不加賦而賦日裕不別求惠民而民受實惠

臣所謂根本之計似

綏而實急者此也

又李模條陳開審吳松江事宜略太湖袤三萬六

千餘頃卽在吳江縣郭外自此東出長橋直趨吳松

江歧分而南爲東江北爲婁江並注入海後東江以

築捍海塘廢止藉吳松婁江爲宣洩二江蜿蜒于

吳江長洲崑山太湖倉嘉定上海青浦七州縣然木多

江少傾瀉不及又蘇郡常熟縣有白茅一港分無錫

而下漕蠡昆尚陽城等湖之汎濫而納諸江泖蕩漊

凡千百縱橫總歸此三道昔人比爲全吳之尾閭通

則各郡農田遇潦不致騰襄遇嘆可施灌漑萬厯以

後水政弛廢者逾五十年吳松白茅湮闕殆盡止婁

江一道涓涓細流霖雨經旬數郡木泮拜而下沿海

地隆高岡勢無旁洩蘇松二郡竟成巨壑或值亢陽

則又幹河澁塞支港乾枯無計導流以資車戽水旱

交病十歲九荒兼以國家多事錢貨難請厯該撫臣

周起元李待問部臣陳懋德先後特疏籲懇奉旨下

部覆議而慎始慮終未免築舍其說有四一日時諫

舉贏當此四郊多壘用兵需餉如鉅工驟興經費百

出正不知百姓近戍之供輸筋髓敲竭儻再罹潦暵

山川志

水司

弱者榜腹而殞生強者棄鋤而走險爾時賑資招徠
當罄無限物力司農歲計所人數百萬尙能按籍筭
敏否乎宜特請明旨俯允杭嘉湖蘇松常鎮七府起
解買辦雜料錢糧于二三年內漸次酌量存留并原
編河夫銀兩完貯而後于撫按道府州縣等衙門
隨宜設法照例協濟及勸募有田之家樂捐助工有
先年開濬事宜可倣彼日舉行亦當荒療之際非寬
然有餘而謀先根本不容不湊小儲以成大儲也二
日吳松白茅於沙漸以陞科告佃今一開鑿稅額何
償將累樂業耕戶此皆豪民自私自利之談非體國
經野之議竊查稅則輕微有司不過歲徵其入以抵
荒區逋欠卽近該巡按御史饒京具題覈取江海沙
漲科糧充餉豪民乘機或亦冊報及之但關水利要
害何惜此涓埃而快農田大計凡籌策利害當權輕
重卽使開鑿果不便于佃稅諸戶而水利一興樂利
之民何啻萬萬水荒之田亦開墾成熟不待包賠得
失天淵政可相提而較三日襄田築圍支渠撈淺聯
備蓄洩緩疏濬此未悉吳中原阻耳從來治水治
田兩者相御不可偏廢湖流驟駕常高數尺或盈丈而
來源之六既無複宣湖流驟駕常高數尺或盈丈而

隄岸可若是崇乎卽崇矣而洪濤晝夜衝激能不利乎若旱魃爲虐雖渠深亦竭遠盼震澤而思桔槔必無是望所謂江不開塘不通縱岸堅如營壁而苗亦坐稿斯開濬之萬難濡滯不待智者而決矣四日大興水利必設專官方遣今裁汰冗員添一官之費臣嘗請訪父老言方遣今裁汰冗員添一官俞諫爲例言遣部臣老言必以姚文灝傳潮林文沛如璩爲例言添道臣者必以吳瑞等爲例臣考夏原吉布衣蔬食躬親胼胝者必有以吳瑞等爲例臣考夏原吉進爲例言添道臣者必以吳瑞等爲例臣考夏原吉任少卿袁復給事中姚善偕行贊理若徐貫俞諫體統嚴重貫亦乞倉庫甚裕便宜動支庫粟故得奏用均平賦額節省倉庫巡撫事務宜動支庫粟故得奏用多官至李充嗣之日巡撫事務宜動支庫粟故得奏用中矣海瑞日擊一時自疏請旨肩任畢竟分巡撫之餘力止治吳松一江而踵清白茅以陞任去致有遺憾添設道臣無慮數次止吳瑞一茅以陞任去致有遺職蓋水利與情恒須獨斷道臣掣肘各臺文移移願勤事勞績于今未泯蓋部郎甲榜初朝氣方銳事

體歸一不辭瑣屑又官秩未尊可與巡撫每事各決
巡按亦得旁察短長凡出行省事騎從希少不虞供
億職列京衙不受各差節制假以聖書檄操舉劾府
佐州縣長竝勢分相臨呼吸立應上下各便惟設官
添費不可苟且臣亦反覆計議吏書承舍當于蘇常
兩道各省二名可備使令公署則有舊設分司無俟
必另迭其差定限素績最則優遷殿則劣處斯水利
立見成
效矣
又郡人陳繼儒開吳松江議書曰三江既入震澤
底定蓋宣欽茗雪諸大水皆西注震澤東達于海震
澤者其腹三江者其尾間也雙江即太湖之劉家河
以婁江訛而為劉也白震澤從吳江縣經蘇城之婁
門由崑山轉入太湖倉此蘇州之西水口亦常州之
口也東江即松江之黃浦以西湖之水來故曰東江也
此松江之大水口亦嘉湖杭之大水口也中江即今
之吳松江自東及西橫亘七八十里海忠介開鑿而
後歲久僅存故影蘇州之下流不能洩而松江之低
鄉因矣松江之上流不能洩而松江之低鄉因矣于

是吳江常熟常州崑山嘉定太倉以及華亭青浦水
勢漫延屋廬塌毀田地拋荒此緣早無灌輸無復
浸故耳以愚計之度非千夫不可專官責成不可設處八萬錢糧
不可錢糧非協濟不可非專官責成不可設處八萬錢糧
督界不可非大戶催償不可六七十里之遠道非立標
分袍界不可非蓋廠分棚不可又須巡行如海忠介公
布袍隨草蔬帶星出入而給錢糧不遲緩一刻不扣除
一事可舉也或曰海忠介開而復塞何也曰以海潮之
東入故也海潮渾濁湖退則泥留矣泥厚一箸一日
兩湖則一年七百二十筭矣西徂東開至盡頭處留里
欲不淤塞得乎識者云白西徂東開至盡頭處留里
許不開以壩海口既無潮退泥留之患又省防鹽防
盜之虞若逢水災洶湧請開壩衆錘如雲里許不
日可濬水復塞何畏海潮何傷風水此開吳松之
妙策也但以銀米召募因救飢貧其功速派撥民夫
因累塘長其害大其功遲知此而禹
績可成海忠介可以並享而血食矣

二年巡撫曹文衡檄同知錢永澄濬華亭金匯塘橫涇

河呂河涇徐家浜上海俞塘等河萬餘丈修築黃浦塘岸二千餘丈是歲知府方岳貢濬府城內諸河發帑募夫隨運河土增築官塘自西馬頭至五里橋長隄高固行旅耕作胥利焉郭志

附陳繼儒論城河水利我松號稱澤國以水爲利青浦利西水入城卽御湖水是也上海利東水入城卽潮水是也獨華亭旣有西水又有東潮實兼兩利今城內城外往往淤塞則以開濬者但論東潮而不論西水故也夫西水順東潮逆西水主東潮客西水之源久東潮之源晉西水之流皆而不息東潮之流濁而帶泥以愚之見惟有兩言曰西水觀底東潮蓋面何也以西來日夜之清水滾東潮兩次之渾泥則逆不敵順客不敵主暫不敵久濁不敵清城中可以一開而永利矣然講求西水入城惟在通西水之來路塞西水之去路耳西水之來也一從太湖自馮家墩而入一從秀州塘自吉陽匯而入一從大橋自秀

野橋而入一從白龍潭自坊後欄橋而入此西城門
西水之入路也今柳湖秀州塘秀野橋三水盡從蔣
涇橋瀉去而白龍潭之水又從西塔橋直出對谷陽
橋瀉去自此西水無一滴進西門之水關矣今城內
幸有北門一路自通波塘而入然一到洪橋又便
向西門撤去北門些須西水豈能埽蕩三門所進之
潮泥哉若欲西水穿城而東通徹貫串宜建五橋一
曰蔣涇橋一曰谷陽橋一曰張坊橋宋家橋塔橋
橋之後橋可緩而蔣涇橋之橋勢不可已蔣涇橋造
以後然後漸及宋家橋宋家橋造橋以後然後漸及
塔橋若以白龍潭木牌塞斷塔橋以西則塔橋橋可
省則西來之水毫無劫洩定無不入城之理白龍潭
木牌盡行逐去淤泥盡行耙去使龍潭所注之西水
不出塔橋而轉流城下則西水定無不入城之理在
地理則庚兌到堂在水利則潮泥無便不入城之理
便之長利也建橋之法錢糧原不多費如蔣涇橋之
橋旁貼石橋一便也造石鋪戶即居橋左買石造橋
功省地近二便也橋上仍留尺許以通西水略去東
潮透來即有墳墓在內無妨風水三便也蔣涇橋雖
橋西則秀塘口可行東則竹竿匯口可行原未嘗阻

斷舟楫四便也潦則開牖以放西水入浦旱則增高以欄西水入城五便也至於谷陽橋朱家橋張坊橋塔橋諸牖既無大船往來抑且河狹易造蓋蔣涇橋之牖所以防渰湖之水秀州塘之水秀野橋之水三路總出於蔣涇橋之一路而不入城也西路建牖既節去水之流又開來水之源既得西水直來之利又免東潮留泥之害若專論東潮而不論西水試觀上海城中之潮水何以開而復塞青浦城中之西水何以不濇而長流哉卽以城壕驗之北門至東門之有水以其有潮水而又有西水也西門至南門南門至東門之無水以其但有東潮而絕無西水也此必待潮落之後親驗西水察其性情看蔣涇橋谷陽橋張坊橋朱家橋之下西水果然出否塔橋之下自龍潭所注之西水果然出否又看大洪橋之下西水果然撤向西門去否大抵天下之水無不東流水性宜東而反西者城東之城河漸高無以爲之納也城西五橋之河口分泄無以爲之欄也諸牖建則西水來西水來則潮泥去而河道長通矣若河道不通寇至則有人渴之患火至則有延燒之患凶年則有疫癘之患平居則有舟楫不通之患緩汲不便之患此愚者

狃於目前而智者憂於未然者也任怨任勞事
在一時溯源窮流澤在百世惟執事其亟圖之

三年巡撫曹文衡濬上海肇家浜二千五百餘丈青浦

知縣朱錫元濬城內市河一百二十一丈

郭志參
青浦志

四年知府方岳貢濬華亭盤龍塘亭林鶴頸匯河運港
後港鹽鐵塘南橫港六千餘丈上海新涇一千八百餘

丈又濬匯港

郭志參
南匯志

剛副憲葉有聲濬匯港記東南澤國盡於雲間蓋
總湖洲苕霅諸水悉注申浦以達於海故松之所備
者在水而獨海上為不然海上自鹽官金山等處以
至川沙外控大海內東百川皆有封土以障其界獨
留海子一線以為眾流委輸之門戶而匯港以東一
帶適當申浦縈迴之區較之諸沿海為更高蓋地脈
所趨隨水而注沿海自西南至東北宛如一臂以抱
奔趨之氣固其勢也是故申浦以西治水者治其水

而申浦以東治水者治其旱方公以廉能出守吾郡
石筍彈丸區耳乃當牘港潮汶壅塞之衝禾稼苦焦
渴舟楫苦梗塞內外不通物價騰踊失時不雨農且
損顧公於是荒度土功鳩衆集事不數月而天吳川
后頓奏最於波濤容與間禾稼莫或少傷百姓始鼓
舞公之先事有備而德澤深且厚也前此者固嘗有
事矣而迄無成績公愼擇廉勤俾司數視慨發公帑
就近雇役一切苟且玩愒之實爲之畢塞而告成且
不日矣今天下官絀繹之區暫一置理便以爲疏濬
梁衝要之地上官絡繹之區暫一置理便以爲疏濬
之事從此已畢至海濱島嶼之地坐視其荒廢而不
爲之所誰能周悉窮遐勤思民隱川澤通而磽瘠皆
沃壤甌脫悉膏腴一時建功數載食德乎況石筍非
僅邊海之一鎮也上海一邑之賦半出於十九保數
千頃所賴以灌漑數萬石漕兌所藉以通濟胥以此
河爲咽喉無是河是無十九保而上海一邑且弊也
是故公以九年績最入朝確見是河關係之大猶惓
惓乎請詳撥夫畢未竟之工欲以本區役定爲本區
河工之用三歲一開中爲永制若此則浦以
東之民且世世賴之豈直一時戴德而已哉

按郭志並無開濬塘港一條上海縣志僅載濬新涇一千八百餘丈南匯縣新舊二志俱載而不全惟副都御史葉有聲碑記較為詳悉而又無年月可考然觀其記中所載公以九年績最入朝猶惓惓請詳撥夫畢未竟之工云云是挑濬之役至崇禎九年工尚未畢也今據南匯縣志編入四年蓋從開濬之始耳

五年巡撫莊祖誨督松江通判朱啓元濬華亭祝家港三千六百餘丈上海新場河沈莊河青浦蒲匯塘四千八百餘丈築泖塘澱河岸二千八百餘丈

七年巡撫祁彪佳督濬華亭蒲匯官紹等塘上青浦匯

莘村等塘萬餘丈

並郭志

國朝順治五年郡人顧君陶捐濬周浦塘

九年巡按御史秦世楨檄華亭知縣劉成龍濬春申六

磊紫岡沙岡竹岡蟠龍蒲匯諸塘及邱涇橫瀝張涇俞塘沈漕涇千步涇并支河二百餘仍令塘長每歲修治

不得派濬遠方是歲工科給事中胡之駿請濬吳松江

勘實坐派開濬河道各荒畝三十六保一區二十八

畝九畝三十八畝四十四畝四十一畝二區三十六七

畝三十五畝四十二畝四十三畝三區三十四畝

三十一畝四十五畝四區一畝

五區四畝五畝十二畝二十一畝二十七畝

十六畝十七畝七區三十畝三十七畝保二區十

三九畝十五畝二十畝三區十四畝八畝二十

一畝二十二畝二十四畝三十一畝以上區

皆東北荒瘠之地傍則積水旱則絕流所設開河塘

長向多撥派遠方開濬致本畝河道愈塞

故秦公力行禁止刻石示後永為遵守

附胡之駿疏臣備考前志三吳之水匯於震澤總以三江為入海之路東江源沒久不可積僅存吳松

江劉河劉河卽婁江也唐末元明以三江洩震澤之水始不爲害今三江並無一江洩水安得不受禍倍

慘乎此禍不獨蘇松受之嘉湖諸郡同受之夫以財

朝廷

百萬糧儲何從措辦求蠲旣不可得改折亦無可出

百姓有待斃之憂惟正有立竭之虞矣況元自伯顏

創爲海運漕艘數萬悉由劉家港出海明時海瑞疏

通吳松江歷來稱頌不朽前法不遠後效可期或奉

三尺以鋤梗或商萬全以圖成一舉而民生

國計

督撫查照胡之駿月擊情形沿江踏勘何以濬吳松

以洩陳澱之水何以濬劉河以洩巴陽之水江流湫

通引太湖達海水患宜可息應用錢糧從

長酌議如有奸豪把持從重究參治罪

十年知府李正華大濬府城諸河

郭志

十一年郡人顧君陶朱叔宗等具呈濬周浦塘

按王鑄記稱甲

午歲乃順治十一年

南匯志作十年誤

附王鑄記略順治甲午歲自夏徂冬亢旱二百餘日朝廷俱絕四民咸苦之時里中好義顧君陶朱叔宗王素臣沈雨臣趙捷山馮思源輩共議具呈院道濬浦便民衆推先祖父二酉公爲首而邵聖卿副之奉批准行撥派塘長七十八畝委官王韓之董其役吏胥因緣爲奸實止二十六畝受役總計浦身三千七百餘丈尙多未完之工乃議謝官遣役私行募勸厥後在鎮商賈共開七百丈先祖父獨開六百丈其餘九百丈賴太平庵陳和尚力始克疏通集事之難蓋如此

康熙十年巡撫都御史瑪祐奏請開濬吳松江東至新涇口四千三百五十二丈自新涇口迤西至赤雁浦黃渡七千五百餘丈修復舊址牘壩

上海志

附瑪祐請開濬劉河吳松江疏臣看得蘇屬劉河松屬吳松江乃江南蘇松常浙江杭嘉湖六府積水合流諸於太湖由此二河分道入海走洩湖水之咽喉也修則六府同其利濬則六府同其害歷代以來

本朝

鼎建二十餘載官斯土者憚於工程浩大財費無資

因循不舉上年夏月淫雨連旬潮水汎溢禾苗悉淹

民居得溺積水三月不消總由劉河吳松入海之口

於壘無從走洩故也臣與總督臣麻勒吉浙撫臣范

承謨咨商疏請劉河吳松故道誠為今日第一急務

并行藩司委官丈勘劉河淤道二十九里長共五千

二百二十丈總計人夫三十九萬八千四百十二工

建牖二座每座工費千金以備水旱蓄洩約共需費

四萬兩吳松江東至新涇口皆成平陸應開四千三

百五十丈自新涇口進至赤雁浦黃渡應開四千三

五百餘丈修復舊址壩約共需費十萬兩據司議

援引明臣海瑞開濬故事請留江浙兩省折漕銀兩

充工仰懇將蘇松常三府康熙九年分漕折銀九萬

松江府志

卷十一

山川志

三

水利

兩浙省杭嘉湖三府漕折銀五萬兩留充疏濬河工
經費俾各處災荒飢民就近上工趁食是修水利之
中兼行救飢之事一舉兩利者矣奉

旨依議

又報濬河完工疏略 臣查劉河自鹽鐵口起至航
船港以達海口該五千一百八十八丈挑濬河面闊十
一丈底闊六丈六尺深一丈積土四萬九千九百餘
方勘原舊河身尚一綫及淺窪處扣除不用挑工土
方外實該挑土三萬三千九百四十方每方用夫十
四工雇募民夫四十七萬五千一百六十九工零築
大壩副壩十條支港口築小壩十四條康熙十年二
月二十六日起工至十一年五月六日內陸續完工吳
松江自黃浦東口起至新涇口施家港止計該一萬
四百九十一丈挑河面闊十五丈底闊七丈五尺深
一丈五尺積土十七萬七千餘方內有原舊江形及
低窪淺窪之處扣除不用挑工土方實挑土十三萬
一千四百三十九方零每方用夫十四工雇募民夫
一百八十四萬一千九百五十七工零內築大小壩十
條又支港水口築小壩十一條於康熙十年十二月
初八日起工至十一年四月二十六日完工查劉河

原議建牐三座約費工料銀三千兩又同司道各官
覆勘情形若於一處分造三牐恐牐基單薄不能堅
久故於天妃宮地方總造大牐一座分別三洞洩水
雖工費稍加實可一勞永逸吳松江於黃浦口建大
牐一座臣又思兩江牐座與內地不同恐牐門被潮
往來衝擊未能堅久故各於牐旁四角修築以圖永
遠查劉河牐座已於康熙十二年正月內完工劉河
各項工料共實用銀三萬一千六百八十二兩八錢
七分零吳松江各項工料共實用銀十萬一千二
百七十九兩一錢二分零相應題報聽部核銷
又江蘇布政使慕天顏疏河救荒議略竊惟三吳
治水之功歷檣往績惟使太湖之水導入江海而潮
洩亦可上通以時蓄洩則旱澇無虞自三江匯塞震
澤汎濫以田爲壑而蘇松常杭嘉湖六郡受患日深
上年水患滿漫四野數百里間不第禾盡無收抑且
室廬漂沒流離疾苦不忍繪圖仰荷憲臺軫念民生
首飭議濬劉河以通水利憲檄諄諄謂吳松江出海
之處已成平陸修復工繁未可輕議惟吳松江出海
爲今日第一急著此憲臺爲吳浙百萬生民造無疆
之福也本司遵行蘇松二府詳加確勘茲據蘇州府

水利

詳議估工程請動正賦開工等因又據松江府上海
縣詳開吳松江故道酌請江浙六郡正帑協濟大工
各繪圖形申覆憲臺在案本司載考舊志披閱新圖
按湖水之奔極而東也一自潞山柳湖從華亭之南
折而東北入海者為黃浦一自吳江長橋歷長洲崑
山青浦嘉定界至上海合黃浦以入海者為吳松江
一自吳縣鮎魚口北入運河經郡城婁門注流上下
雉瀆抵崑山至和塘東合新洋江由太倉歸劉家港
入海者為婁江卽今劉河也迨吳松入海之處沙壅
茭叢昔夏忠靖公引黃渡以西之水北入劉河是今
日劉河之一綫為松婁二江之尾閘今蘇松諸郡之
民命攸關者矣濬之烏可一日緩哉但目前救時之
策在急疏劉河將來遠大之謀吳松亦在所必濬蓋
吳松實太湖洩水之中條其故道較劉河更闊其地
勢較劉河更直江浙六郡同其利議協於浙可冀旦
夕成功但雨工決難並舉劉河處其易吳松處其難
莫若緩吳松而先事劉河之為便有不得不次第並
濬者當日導吳松水并入劉河者有崑山之夏駕嘉
定之顧浦以及鹽鐵新洋諸港浦松與婁相通今則
諸港浦盡塞松自為松婁自為婁則劉河雖開止洩

震澤半面之流而匯納於柳澗以奔涌松江者仍未
得宣通也若再開溝匯新涇重濬虬江顧補費力於
支河小港何如并力於吳松平況從來以工役救荒
使貧民食力以餬口如范文正公守郡時吳中大飢
發粟募民諸工畢舉以是公私仰給民不遷流昔人
於凶歲之後無不共循此意蓋小民至困苦中工力
必賤且飢寒迫身民多思盜河工興而樂趨畚鍤盜
賊亦可潛消荒政之施莫此爲大然必須咨商浙省
督撫早爲區畫將全局會疏題明共計兩河工費
先開劉河至冬間水涸之時旋興吳松大工若惜一
時之費不作久遠之圖將來海口淀沙日淤一日必
至水災洊告獨賑迭施今合兩工所需約計十四萬
金較之一歲所蠲未及其半而田工無患
國賦常充可垂千百年之大利一勞永逸功在斯時考海
忠介開吳松之疏留漕十萬石佐以協濟稻穀贖罰
等不兩月而功成倣其遺謨敢請會題於蘇松常
康熙九年折漕銀內留四萬兩以應劉河夫工康熙
十年折漕銀內再留五萬兩浙省錢糧協濟五萬兩
以應吳松夫
工伏乞采擇

又工科給事中柯聶奏撫臣疏內估計工銀一十
四萬兩請將兩省漕折銀兩留充工費恐部議不允
再議均派六府屬去年被災州縣分年按畝輸解抵
還此在撫臣苦心酌量以期必濟殊不知
皇上愛民至切苟有災傷無不立行賑濟何恤十
漕折以垂千萬年之利賴救億萬姓之災黎況各屬
被災州縣餓殍載道家室流離縱使將來成熟哀鴻
豈能達集又欲輸還此項銀兩豈不重困伏乞
特旨竟將兩省漕折十四萬兩准允開濬劉河吳松公費
不必再議抵還奉
旨准行

十一年六月上海知縣陳之佐吳松江建三洞石牕一
座十二月告成

附縣志記略 牕工既竣吳松司巡檢率牕夫三十
二名專司啓閉黃浦營撥兵數名守汛盤詰旋因水
勢衝激四石塘塌壞各憲調黃河埽手數名辦築
麻柳枝等物 永成二壩每日用夫三百名肩水修築

工費煩瑣慮難成功適知縣任辰旦到任詳憲撤回
婦手省築壩屏水諸費另募浙匠數人泗水修築又
將本縣各灘船輪撥裝運廢甌瓦屑擁護椿腳費省
工倍牘夫原議五十名奉憲裁減十八名將工食貯
庫以作修牘之用每名日給工食二分油索銀一分
每年每名給銀十兩八錢通共給銀三百四十五兩
六錢於義租項下按季支領後西北護塘進裂知縣
史彩察係水滲沙虛兼丈西南護塘原長十四丈西
北護塘僅長十丈所以水勢迅激易致損壞遂命原
修浙匠增拓四丈又移進實地二丈工料工食共銀
一千五十兩零史邑侯捐俸四百餘金餘請憲於存
留義租項下動支得完厥工與任侯修築之工實堪
媲美

云

十四年上海知縣任辰旦復建吳松牘

十六年上海知縣任辰旦濬馬家浜

按是役以塘長禁
革於傍河田畝隨

地起夫從公均任業食佃力擇本
尚耆民董其役凡兩閱月而工竣

十七年上海知縣任辰旦濬蒲匯塘新涇

附郡人張錫擇條例一重守壩開河之弊每有奸
徒包攬看銀未及半工輒將壩口偷決以遂中飽今
應嚴加看守必俟河工告成擇日開壩如工未畢而
壩先決者將守壩人立置重典一嚴工派兩河大
役與別工不同必須通縣均任應將各保區甲盡數
均派以杜偏漏之弊如有影射漏免者每甲罰開城
河一段留生則通河梗阻今議分委佐貳同鄉紳分作
三段如法開濬剋期告竣各股開完公同查閱不使
弊留生段得以久遠通流一定丈尺蒲匯塘面闊
七丈五尺底闊三丈七尺每一百甲派濬三十丈其
底深一丈五尺每區立一樣椿照式開濬逐段查驗
如不及數者懲處補足督工官
方給完工號票許免本年雜差

十八年二月上海知縣任辰旦濬寶河九月權上海
縣事同知唐朝宣從陸鳴球請就近蠲濬趙家溝西自

東溝浦東至運鹽河南達都堂諸浦北通界浜東西長

二千餘丈闊六丈深二丈闊五十日而告竣

按此河灌漑甚溥前明崇禎時鳴球祖明允獨力開濬

本朝順治十三年其父起鳳重開至是鳴球又倡議修濬土人賴之

十九年上海知縣任辰旦濬俞塘六磊塘

二十年四月總督阿席熙巡撫慕天顏飭蘇松常道祖

澤深松江知府魯超行上海縣開通私釘各河

按先是七年巡察使者背赤黑等建防海之策疏請將界浜虹口西虬江三河用椿釘斷嗣有廳營各役私將東溝東虬江馬家浜洋涇西新塘夏海浦楊樹浦等處漸次私釘民甚病之郡人張錫懌陳完等於十八年請開私釘各河至是年夏涇潦爲災督撫始允行

二十三年上海知縣史彩捐倡開濬城濠并濬寺浜故
道俾漕運由城濠入寺浜達吳松江得免黃浦風濤又
濬城內市河通舟楫按是年五月興工漸次告竣現給
梗段欺飾諸獎

二十九年上海知縣董鼎祚勸疏蒲匯塘

三十一年郡人宋際莊徵麒具呈開濬南橋塘

三十二年權知松江府同知李經正詳濬肇家浜

四十八年總督邵穆布巡撫于準奏開蒲匯周浦諸塘

附王鑄恭紀

聖恩濬河碑

皇帝勤恤民隱六巡江南凡山川民物風俗奢儉衣食贏
絀水潦旱乾之備無不周知會丁亥夏秋災傷相繼

米價翔踊列屋皆艱食其明年秋霖雨害稼山水暴

皇帝

惻然哀矜民命既令有司具賑又截漕數十萬平糶

民賴以濟繼又念臨事而修救不若先時而備者之

允督臣邵穆布之請

教將蘇松四郡支河之淤淺者及時疏濬其入江海處

口水壩諸臣踏勘確估其費凡出帑金十七萬八千

九百八十兩有奇以己丑二月初吉興事歷三月而

告成不惟河流正洋利於蓄洩而貧民之乏食者皆

得藉是以觴口以免於溝壑甚

盛恩也所建牘三完舊者又十有三皆當江海要道所

支河凡二十有二鎮屬一常屬二蘇屬十有二松屬

七而吾鎮之周浦塘亦得邀沛澤焉於戲

聖主之為斯民德大且深矣食其德忘其報可乎即如海

邑三牘皆入黃浦要津蒲茭盈目舟楫難通一值水

旱之年非蕩沒禾稼則塘坳皆龜坼耳非遇

聖恩曠蕩執事者勤勞則庚寅之歲東鄉數千頃之田不

又歎無禾耶以周浦言之自

山川志 水利

本朝甲午歲里中好義者倡首重濬又蒙院道各憲申飭
竭蹶牛載反賴僧人竣事五十年來河流復於每遇
旱歲浦無涓滴不得已為撈淺之舉猶且相顧不前
敢希今日之浩瀚耶夫水旱天行也修政以備災者
聖恩也宣上德達下情盡瘁而不敢言勞者有司之職也
於義皆不敢忘宜里之士民歌詠弗緩咸思勒之貞
珉筆而紀其盛焉

五十四年知府李文淵上海知縣尙崇安興濬千步涇
俞塘沈漕鄧涇六磊塘新濯錦江胡婆涇橫涇洞涇蟠
龍塘沙岡橫涇塘莘村塘等一十三河

五十九年總督常肅飭濬上海肇家浜合邑計畝公捐不准分畝頂濬
以除規避是年上海知縣何時懋會同婁縣青浦濬浦
匯塘委員協濬

附曹一上議略一曰河身方數宜明肇家洪志載
長十八里今以二十里為準每里約該一百八十丈
共長三千六百丈此定數也據河面舊闊八丈河底
應闊五丈今旁河漲灘甚多狹處不過四五丈水之
深淺亦各段不等應委精細員役同該衙門首隨地
曲折丈量自某段至某關依若干深淺若干逐一編
號登簿明白然後酌定今所應開闢狹淺深之數折
算土方土方既明工費自有成規不致欺罔破冒矣
李公經正詳憲開濬緣工役偷惰置泥近岸一經
梅雨立時衝塌不越一載洪即淤淺今後宜令開河
人夫糾衆鑿通兩岸高土成一即淤淺今後宜令開河
之患挑土務從此路運入老岸之內雖有霖雨不至
衝塌河內或有甃塊瓦屑擇隙地堆貯俟完工日雇
船載棄大浦三日洪之上流宜疏肇洪取道蒲匯
塘入郡今蒲塘雖可通舟自新橋以南七寶以北數
段皆已淤淺肇洪雖疏仍難達郡請踏視淺處通濬
以清肇洪上流之壅四曰洪之來源宜導肇洪自
浦入口貫城東西水關城河乃洪之來路先宜利導
況城內外河道尤居民血脈所繫可資灌汲可免火

災所關甚鉅今城河久於潮水一落涓滴無存愚民貪於小利築架露臺展拓屋址日侵月削水勢不得不微是肇洪雖導而來源既阻安能通流請一體復舊址不惟行者獲利并使居者蒙恩五日督工宜擇能員河工愈姦剔弊皆在督工官一人之手苟得精明廉幹之員不畏彊禦不避勞勩不徇情面萬年之利不日可成在明府公務鞅掌豈能時刻躬行誠宜請於上憲特委專員以司董率庶幾權重法行事專工核并舉里中紳士公平才幹者數人以佐下風工房書役尤宜慎選老成謹慎之員不必拘於本房總侯明府遴委作姦竊食之徒自無所施其技矣六日立法宜規長久黃浦濁沙每日計添一著必得水流通猛迅泥沙不留始無淤塞其道全在來口去口并歸一路不使分洩水勢自然迅利今浦旁日赤港從肇家浜牛腰相接濁沙衝入易致淤塞前朝用堰填斷為慮至周今宜仍於舊址築堰以遏其衝又大東門外內郎家橋前邑令陳公之佐用堰壩斷使肇洪之水皆從小南門外薛家浜出浦歸并一路水勢迅利城河日深合邑漕舟直達倉所官民兩便後為姦民私行掘去今仍請照舊築堰以蓄城濠內外

水源以上六條皆目下開濬華氏所宜切究者也更有似緩實急必當次第修舉者按前朝萬歷年間因肇洪蒲塘屢濬屢淤邑令劉公煥博采輿論以為分流則勢緩勢緩則沙積乃於龍華地方特建一橋司以游卒月惟期望兩啓視時水旱蓄洩其四潯七寶諸水單從蒲塘徑走肇洪入浦去來歸於一路水勢極其迅疾濁泥不積河底日深肇洪蒲塘兩無淤塞之患此真拔本塞源之上計也邑太僕卿陳公所蘊碑記載費銀二千六百有奇半出官帑半出樂輸此橋既壞兩水交病倘得酌量重建則一勞永逸為上海億萬年之樂利矣

六十年知府周錞元檄濬上海鹹塘

從郡人沈柏年馮雨田請自七竈橋

至吳家行長一千五百餘丈

六十一年知府周錞元復濬上海周浦塘

亦從馮雨田請自李將軍

橋至蘇家橋長三千八百餘丈始於癸卯秋竣於甲辰夏大工初成正值大旱秋復大水旱勢咸資蓄洩上

海知縣傅之銓又濬趙家溝

雍正元年知府周錚元檄濬蒲塘照例均屬協濬

按此塘濬濬三邑田疇疏通往來舟楫洵為開繁要
河關濬濬壅塞是時郡人楊衍條陳利弊一切築壩事
宜開河勤修稽察河道疏
通皆為經理當事重之

二年知府周錚元檄華亭知縣周中鉉濬南橋塘

附中允黃之雋濬南橋塘碑記略
松郡承西南諸
水由黃浦入於海浦支流而南曰葉謝塘又南而東
曰南橋塘達於青村港互東西四十里概田十萬餘
畝西衝鹽艘所出入也其間支渠曲汊咸道於塘以
注之譬咽喉然喉通而腑臟飽血脈行塞則病顯視
潮汐之進退為贏縮焉當潮之從浦來也洶洶挾泥
沙而入去則汎汎而衰不能蕩泥沙以出故塘易淤
而港之潮汐不通灌畦則農病運鏟則商病康熙三
十一年里人宋際莊徵騷曾倡疏之至於今又漸塞
而復矣前郡守周侯既下車相松屬邑之水而次第

濬之於是諸生宋文園等以南橋塘請侯曰善下其
牘於華亭邑令周侯度其經費之所出而速興之凡
一百八十丈為一里一丈之直錢一緡直出於田凡
十有八畝而濬一丈傍莊行若干里承謝鏐里人韓
珩司之傍南橋若干里丞靳夢熊里人鄒維宣司之
傍青村高橋若干里巡檢張從訓里人宋叙業司之
時雍正二年三月
也明月而工竣

是年上海知縣余乾象濬三林塘楊滙港

三年知府周錚元檄華亭知縣周中鉉婁縣知縣劉文
彬上海知縣傅之詮會濬蟠龍塘六磊塘俞塘莘村塘
千步涇沈漕胡婆涇張涇洞涇橫涇沙岡等十一河

附華婁上三邑頂濬各畝碑略 松江府議詳松屬
城鄉濬完各河道每年農隙榜濬在城之河則令居
民各照門面挑濬在鄉各河循列傍河各畝業佃開
挑查郡城東北志載荒區良由地勢卑窪潮汐壅塞

略不疏導便有水旱之患乃開華婁上三邑農田水利

國計

民生要河向例五年一大濬比年一小濬雍正元年

據士民楊斗維等請濬蟠龍塘等十一河委員逐一

疏通復以河工善後等事頂值輪濬條議詳憲遵行

除志載荒濬頂濬蟠龍等河循例不載外將華婁上

三邑頂濬濬分勒石永遠遵濬龍塘華三十六保九濬

十濬并各荒濬婁婁四十濬四十五濬輪戊亥年濬上六

磊塘華三十六保四十四濬四十五濬并各荒濬上十

八保五七濬六濬七八濬九濬十濬十五濬十八濬

二十四濬二十八濬二十九濬三十濬三十三濬三十六

十七濬三十八濬輪丁壬年濬北俞塘華三十六

保二十二濬二十三濬二十七濬七濬八濬九濬十

濬上十八保一二濬二三濬十三濬十四濬十七濬

四保三十六濬四十一濬四十八濬五十四濬輪乙庚

年濬華村塘華三十六保二濬二十八濬三十六濬

丙辛年濬東千步郎驢馬塘華三十六保二濬二十

黃二十三濬二十四濬二十五濬三十六濬上十二

八保一濬二三濬五七濬七八濬輪甲巳年濬沈

濬西千步華三十六保二十三濬輪丁壬年濬湖

婆涇華三十六保二十二畝二十三畝二十四畝二十五畝輪丙辛年濬張涇華婁俱荒畝輪甲己年濬洞涇華婁俱荒畝輪乙庚年濬橫涇沙岡華上俱荒畝上四畝五七畝七八畝九畝十畝十一畝十二畝十三畝四十一畝四十八畝輪乙庚年濬以上輪年頂濬周而復始不派別河

四年知府周中鉉復濬新村河婆二河南匯知縣欽璉

詳請開濬周浦塘

按雍正二年析置南匯縣是年建漕倉於周浦鎮遂為糧艘出入停泊之所

從士民馮雨田等所請因復開濬東起匯龍橋西至裕伯題橋長五千六百餘丈河面廣闊為浦東通渠之冠漕艘便焉

五年

詔發帑興修江南水利遣副都統李淑德原任山東巡撫

陳世倌會同江蘇巡撫陳時夏總河齊蘇勒總督孔毓

珣詳勘繼遣郎中鄂禮同陳世倌開濬吳松江等河道
估計土方動帑督辦不許有累士民均派上海南匯青
浦福泉及嘉寶六縣協力募夫於本年十一月興工明
年告竣 郎中鄂禮奏請近海諸河竝設立犁船混江
龍以疏積沙

附王之綸重濬吳松江記
天子御極之四年適霖雨泛濫

聖心愷惻念江浙爲水鄉亟謀濬治江撫陳時夏奏請劉
家河次白茅塘泊吳松江

欽命陳世倌鄂爾奇二憲督成五年春劉家河工竣隨檄
令嘉定上海青浦暨新分寶山南匯福泉西自閔家
渡至野雞墩河底重深三丈河面開廣十八丈計里
三十有六每縣該夫五千照畝攤里每圖里差承值
塘長雇募一夫濬工兩方給帑一兩八錢冬仲赴工
歲除未竟

皇仁憲德體卹周至暫釋寧家獻歲三日後赴河終事旋以野雞墩東陳家渡止十有二里許復檄嘉上福寶四邑就役而南青不與焉一夫濬土尺餘給帑六錢八分業主幫貼飯食

膏慮周詳毫髮無遺矣仲春中浣畚揭具與詎三月十八日壩忽決松江太守周中鉉捐俸復築壩又決周壩水死把總達某隨之奉旨議卹越數日陳鄂二憲與巡撫親履河干督成前壩越五月六日總河齊蘇勒領淮安水手用蘆葦土牛築壩混江龍以空河底復檄塘長濬堆泥下小溝深七尺廣三尺名曰小河以積泥水防淤淀也每丈不過一錢六月管工官薛促築東西兩段馬路每夫給銀八分而工遂成

八年冬巡撫都御史尹繼善檄華亭知縣劉夢楫奉賢知縣舒慕芬婁縣知縣沈維垣金山知縣高澤萊開運石河

九年奉賢知縣舒慕芬濬青村城濠 是年開濬蘇松

常鎮四府河道工竣 按省志所載統八年華奉費金所濬而言

十二年總督趙宏恩疏請普修江南渠港

趙宏恩疏略 江南水利屢蒙

聖諭普加修濬仰見

聖主軫念民依有加無已商農利樂萬世蒙庥惟民田以

內一切支港小渠萬派千尋皆承流於大河通聯於
潮水旱則引潮以灌田苗澇則歸河以消積水開
並重其利亦溥祗因港渠既多工程碎雜故歷聽民
間自為修濬難以一一動帑興修無如小民勤惰不
一書役需索冒侵年久竟成道旁築舍潮沙漸積淤
塞日甚臣留心察勘在在皆然必須即為逐細疏挖
一律深通庶港渠湖河內外暢達旱澇兼資同收鉅
效查江省歷來私派貼費每縣盈千累萬悉飽蠹棍
慾壑以蘇松常鎮四府一年而計即共有數十萬金
今清釐酌革民力已得寬舒所有此等港渠以及圩
壩涵洞似應即從今冬為始勸民從照舊例按用派

工業戶給食佃戶出力逐一興修所開土方運送遠處不得堆積兩岸仍淤河道以無益之陋費為水利之正用明白開導勸督之下百姓諒必踴躍趨事此番大修之後將來歲修易於為力又蘇松沿何塘路坍塌行旅艱難民田亦少保障或勸民力并修或動公項支應亦須漸次經理查蘇松等屬內有寶山華亭奉賢婁縣金山南匯上海等縣向例業戶按田每畝捐錢五文以為歲修塘工水利等項下動用又太倉鎮大修港渠工程即可於此捐錢三項下動用又太倉鎮洋等州縣向例亦有每畝捐錢三項下動用又太倉鎮大修并應聽其量為加捐湊用募夫挑濬均不必拘業戶給食佃戶出力之例此外各州縣如有願倣此式按畝捐錢者亦應聽民酌量派定錢文交縣彙給工員募修庶百姓不必人人赴工往返多費而工程又得速竣不致掣肘延誤次第料理合一并具題河塘路俟渠港修濬次第料理合一并具題

十三年金山知縣劉紹周奉檄與華亭合濬南北石曰

浦按是時委員勘估分急要次要可緩三項工程金山

以石曰池涇胥浦六巷塘城濠新河為急山涇歸涇水利

為次白涇沐漚港為緩
急要中以石曰為最
是年復建吳松江牕於上海金

家灣移入康熙二十九年舊牕陷至是

附工科給事中曹一士上高中丞吳松牕善後議略
不得入江法在少啓而多閉惟霖雨連縣江水泛濫
則於潮退時暫啓以洩太湖之漲可無淫滂之憂其
餘非奉官命不得輕啓昔范文正公守蘇郡議開吳
松江即有沙因潮至數年復塞必設諸牕局之以禦
來潮之議此立法之初意也元僧維則松江觀牕詩
云吳松江水急如箭昔有畫圖今見面百川應令爭
見趨東注海門如赴戰海波怒發驅潮頭戰退吳松
水倒流江潮一日兩相關萬古不決如仇讎江水清
今潮水濁江潮水不似潮水惡惡潮難出海中洲堆積
江面如山邱官憂水害難疏鑿江面脂同時作潮
來下牕潮平開牕內不通潮往來觀此可見元時置
牕不使潮通故江患獨少迨張氏竊踞牕座已壞故
夏忠靖棄而不濬其後海忠介始消吳松又未遑置
牕於是海沙得人漸流漚淤假使如宋元之置牕何

至三十餘年而卽塞乎
本朝康熙十一年重加疏濬建立牐座迄今五十餘年視

勝國時之通塞功幾倍之然尚末全收牐座之利何
也昔本邑張主事宸條上慕方伯書云海潮之得入
江者以江與黃浦通也宜使江水入於浦不可使浦
水入於江江入於浦則江利而湖水入於浦入於江則
江塞而湖水壅法在建牐而已此數言者於牐座之
利害最爲明切惜當事者不能深計遠慮坐使有牐
與無牐等也蓋松江之牐與西北之牐大異西北之
牐主蓄水以利舟楫松江之牐主過潮以拒泥沙今
自建牐以來以過沙之具而爲利楫之資致使海中
之潮日來江中之沙日淤牐之於江曾無損益於其
間者則以有牐而不能不啓且不能不於潮至之候
啓之是與建牐之初意適相反矣雖有百牐復何利
於此江乎然所謂不得意不啓之故有二焉上海六百
里內舳舳相接俱須取道吳松以達江蘇等處若舍
此而由浦泖往返迂迴官民交病是牐雖設而不得
不啓之勢一也海潮退時牐中落水迅疾牽挽無從
必俟潮至然後徐徐挂篙以上計一朝之來大小
舟以百數皆乘潮便進牐是牐雖設而不得不啓

潮至之候者二也如是而沙安得不隨潮以入江
 安得不積沙以日隘雖有守牐之夫撩淺之船於舟
 過卽行閉牐亦不過沙之入者稍薄於一若耳豈能
 使怒濤濁浪不與吾江爭此寸寸之積也哉此其病
 於江者一也且也官置夫以守牐夫踞牐以索錢一
 舟之過少者十錢多者數十錢至夜尤倍之而行旅
 之出入幾如過關納稅之例此其病於民者一也然
 則欲常閉而不啓勢既不能欲頻啓而不閉理又不
 可求其江與民兩利而無兩病者莫若擇近江支流
 別爲疏通以便舟楫而牐可以收障沙之全功民亦
 得利涉自如而無守候勒索之患今之建牐議移於
 舊牐少西金家灣地方平地另築則土不鬆而木石
 之力固誠良策也由金家灣而西約一里許江之南
 岸水口舊名寺浜而東二里許南達周涇由周涇以
 達邑西門之城濠約四里其自周涇過洋涇以達邑
 北門之城濠僅二里昔邑令史公彩於建牐後曾加
 濬治可以方舟揚帆商賈之往來士民之出入不由
 浦不過牐而發足城濠晝夜無阻至便也今歲久淤
 塞而三十石之小舟尙可因潮往返則疏理亦易請
 廟家末議躬行踏勘節下所屬酌議或就近數畝出

朝寧

夫或就通縣均派眾事易舉務使盡去漲難加倍深
廣使得永遠通舟凡上南兩邑行旅俱可取道於是
無波濤之阻無守候之艱無寇盜之警而所建牐座
置夫看守惟冬春漕艘往來上司座船臨蒞特命啓
之其餘則否如是而沙泥之得上司座船臨蒞特命啓
所謂事有甚微而功鉅者此也由是請之
著爲令甲越歲卽行揀淺使此浜常通而不塞則牐
座常閉而不啓吳松江可常深而不淤矣獨是周涇
之利舟楫以達江者以其與邑治城濠通也今城濠
之壅塞抑亦甚矣由濠密通黃浦渾潮出入且自北
迄南水口有四五洋涇曰陸家石橋曰郎家橋曰薛
家浜浦潮至此四分夫水性合并則迅分流則緩迅
則利沙緩則停滯必然之勢也又況兩莊市屋日侵
月占城濠之丈尺視邑志所載僅得其半往年雖奉
疏濬而督工無專員吏胥上下其手苟且塞責堆土
近岸曾不一二年而濠之淤塞如故矣今爲吳松江
計不可不建牐過沙欲建牐過沙不可不開周涇以
通舟楫欲通周涇不可不濬城濠以達浦而濠之深
闊務依舊載丈尺悉撤侵占處所委任幹員專責其
成毋使旋開旋壅徒費物力然又必合其口之分蓄

其流之散而城內外之河道庶可百年無淤矣何謂
合其口之分如洋涇陸家石橋郎家橋等處水口盡
行堵築塞斷蓋屋其上以防偷掘惟留東南薛家浜
水口使之蜿蜒三四里以達城壕既免直瀉之患而
諸港歸并一路落水迅疾泥沙不停塞三而濬一則
事半而功倍所謂合其口之分者此也何謂蓄其流
之散查前朝盛時向有薛家浜木橋故址向存誠得
依前建立時啓以通舟時閉以蓄水則城壕有所防
儲而不至遘涸可以禦盜可以救災所謂蓄其流之
散者此也嘗考張主事宸上募公書欲疏三渠以分
江水之勢其一渠請由蘆浦入肇家浜以達上海城
濠塞濠之通浦水口如郎家橋陸家石橋桂香橋等
處而置牯於東南濠薛家浜以達浦雖江口從入之
處不同然實卽今所議由寺浜入周涇以達上海城
濠之意也是故濬城濠非以爲江正深所以爲江也
何則城濠通而後周涇可用止留薛家浜一口而後
濠可常通也又何用從牯往來致有泥沙入江之患
乎或曰江旁之田不下數萬頃閉牯以遏潮灌漑之
利得毋有時而涸乎曰不涸也太湖匯萬山之水滔
滔東注止藉嬰松兩江以洩之當松江塞時每遇雪

雨吳中卽有水溢之患所以濬江者慮其水之過多
非慮其水之或少也倘有旱暵必須啓牐受潮則一
手足之力耳又何灌漑之足云或曰遇潮以拒沙則
周涇之人江者亦潮也有潮卽有沙奚舍此而取彼
曰不然擇害莫若輕擇利莫若重浦潮之與江接者
其勢直其力強其岸闊浦之氣繁若重浦潮足以及
之而挾沙以入故難當也若寺浜周涇者以浦較之
與溝澮等耳卽有微沙所及有限況迂迴曲折六七
里而後達江其潮又已微矣若盡塞諸口使浦獨由
薛家浜入則越十餘里而始達於江潮勢益微江水
盛時自足刷沙拒潮而浦水且抑不得進又何患焉
曰是固然矣區區民力旣用之以濬江又用之以濬
支河又用之以濬城濠不亦憊乎曰事有緩急工有
後先非一槩而施也目下所急者惟有周涇入江一
道最宜通利且由洋涇以達城濠不過四五里爲事
易集而大便利於民民無不額手望之至城濠薛家
之開濬各口之堵築則姑休民力以俟次年惟定其
規模摺奏請

旨庶後無因循廢閣之患或曰牐座宜少啓而多閉則行
旅往來何不捨舟於牐之外易舟於牐之內如他省

過壩之法而奚事別濬支流為日是則利於江而不
利於民者也計自牘抵城可四五里行旅之任負風
雨之泥滯商民益不勝其苦矣展轉就舟又不勝其
費矣則曷不濬此四五里之支流為一勞永逸之計
使江與民兩利乎惟是兩涯或有圍占丈尺必宜深
廣則非憲司援以成法或至苟且卒事今郡邑之長
皆賢且才度必
有以處此矣

乾隆元年上海知縣褚菊書請帑濬蒲匯塘又從士民請
濬沙岡急水港淡水河北蟠龍塘

二年署上海知縣徐良模濬圓沙浜協濬千步涇

三年奉賢知縣許逢元復濬青村城濠

五年上海知縣王世睿濬城濠周回長一千五百丈六尺并委巡檢

葉國英勸濬馬屯涇

六年華亭知縣鄒玉章與金山縣合開鄉界涇接鄉界

二十八里是年金婁縣知縣胡具體開二里涇壩

附中允黃之雋碑記略黃浦支流在婁者莫要於

東西二漢東漢由張涇西漢由二里涇以入所從來

久浙江鹽政聽商人言壩於涇口而斷其流者十八

年積久而害彌甚於是諸生衛自俊耆老徐萬春等

奔走呼籲於江南督撫暨鹽政下婁邑勘覆頗以國

課所關與成功不毀為疑胡侯躬履其地詢民疾苦

具文書上當事曰婁邑水利全資黃浦其地詢民疾苦

二里涇南接浦東至掣鹽廳所西通各支河北接倉

城達於青浦福泉凡西北河港胥賴是涇進水由運

河分流通三縣之田萬餘頃四方商旅往來諸縣納

漕輸租咸於是通舟楫厥利甚大雍正三年肇商因

地近鹽倉慮東西潮入易淤鹽艘難以速運欲遏上

流以儲水而以杜私販出入為辭懇鹽政始築壩乃

自西漢截流以來支河翻決不通皆成斷港絕潢田

疇無蓄洩患早潦矣輓輪懋遷由鉅浦患風濤矣履

勘情形實通浦要道萬萬不可堵截今掣鹽所河道

深廣卽或日久水緩沙積羣商於一歲兩掣時稍爲疏濬河段無幾殊易爲力不宜怙商人一時之小利貽百姓無窮之大害應請亟予開通以恤民隱如或過慮私鹽出沒請於開壩後添設木欄以時啓閉實商民兩有裨益江撫張公江督楊公奉旨開鑿撫臣議建石牐浙鹽政議建魚背石壩多開涵洞揚公獨采侯木柵之說乾隆六年四月丁酉拔棧刻土不日而通洪波湯湯與潮俱來既訖功居民相聚言曰是役也浙商以侯祖詳搖惑大吏而侯實終始主之宜樹碑勒文以無忘侯績

七年上海知縣王世睿濬華涇港龍華港

九年巡撫陳大受檄濬蒲匯塘

是役婁縣上海青浦均黃協濬

十年上海知縣王倬濬城濠漕河涇

十一年知府朱霖檄上海知縣王倬濬六磊塘馬屯涇

三林塘

十二年上海知縣王從濬李從涇

十四年華亭知縣余暢金山知縣常琬詳濬運石河運按

石河亦開鹽運今詳定商民分
濬并禁挑泥人夫附近堆積

十五年上海知縣李文耀濬沙岡復詳濬城濠

十六年奉賢知縣李治灝詳濬張澤港先是上民張與

以傍塘八畝頂濬張澤港嗣後轉詳准照金匯塘業食

佃力例三年一撈五年一濬永不派及遠畝而遠畝開

濬亦不得派及
入畝詳准勒石

附劉暉澤記凡有民社之責者興一利不如除一

害前人言之詳矣如松江府水利一事前之知郡者

每歲督民疏濬溉用款通舟楫名甚美也不知水利

英故於里胥派落之舉力斥其非而於士民自濬之
請力成其美庶幾興利之中寓除害之意耳今張子
宸襄輩於張澤港一河力請自濬縣尉趙君轉請於
邑侯李公郡伯蔡公具申各憲俱報允從此河分流
於青村袁浦兩壩場中間廿餘里運離之舟既通八
屆之田斯溉而三年小濬五年深濬以云興利利誠
與矣以云除害則從前里胥輩冒請委員違例科斂
之弊其亦可以永息與然則官斯土者既有史起鄭
白之功而宸襄輩暨入齒士民同心斷金不當垂之
奕禩哉俾勒諸石使網利者見而知愧亦仍是向泄
茲邑時之用心云

十八年巡道申夢璽檄上海知縣李希舜開濬城濠及
薛家浜又於木牖舊址改建石牖仍將肇家浜方浜浦
口築壩以蓄水勢奉賢知縣李治灝濬竹岡

十九年華亭知縣陳筠濬盤龍鹽鐵諸塘并議置石牖

於三里汀按是時議置石陂於三里汀隨時啓閉以遏涇其流甚駛故壅鐵塘來勢寢緩湖日壅旋疏旋積議者欲陂截三里橋俾壅鐵之水一意北流彼此均受其利會有好事者以舟楫道迂力奉賢知縣李治灝濬南阻衆議而止至是復有斯議云橋塘

二十年華婁上青四邑會詳開濬蒲匯塘上海知縣李希舜詳開肇嘉浜自東關穿城至西關外達蒲匯塘口一律深通引情水以達浦口并濬外城河是年署奉賢知縣涂擴委南橋巡司趙鵬督濬橫涇

附青浦知縣魏永安荒苗免派清蒲匯塘碑略查雍正元年前府周將水利當圖事通詳各前憲批飭在城市河令居民各照門面開挑在鄉各河照傍河各畝業佃開挑出主給食佃戶出力濬匯塘河著令

傍塘區苗田畝每歲農隙撈濬毋致淤淺詳請勒石
嗣後開濬舊區塘勿得借端派擾當經前縣查明應
濬舊區塘之三十五保一區三十四圖二區三四五
六七畝用畝酌令勒石永遠遵在案續於乾隆元年開
濬舊區塘有該河人民趙懷等朦混開派四十九保
三區等畝協濬復經士民陳待等將向有憲例等詞
控憲奉批飭嚴查自濬支河毋得撥往舊區塘并令
呈請鼓盆浦等河勒石茲緣未經刊碑復行混派以
致陳瑾等呈控藩轅批府查案飭遵等因到府行縣
奉此合行刊碑永遠遵乾隆二十年五月士民陳瑾等
勒石

計開荒苗應濬各河 四十九保一區二畝護村港
二區一畝苗南錢浦 西五畝西六畝七畝鼓盆
浦 五畝青天浦 東六畝花浜 十二畝十三
畝會仙浦 十畝湯家浜旱涇 十五畝吳家涇

二十五年華奉娶三邑會濬倉城河

二十六年華亭知縣鄧培蔣濬前港顧胥塘上海知縣

盧師武詳請開濬肇家浜周涇及內外城河按旨派濬
南匯知縣劉若沐詳請照田驗派出夫疏濬鹽鐵塘南
都堂浦蒲達涇

二十七年奉賢知縣劉伯璵開濬南橋塘

二十八年巡撫莊有恭奏請開濬吳松江上海自王浜

起至大野雞墩工分三十五段長一千七百五十丈又接前工

切灘六處工分十八段長七百三十五丈青浦自四江口起

至大樸樹接嘉定界工分二十八段長一千五百六十三丈四尺另

開黃渡越河自懷浦直至許家港長六百四丈又檄署

婁縣知縣許鋼挑濬泖口之古浦塘石湖塘頭陀港新

張

附莊有恭請濬三江水利疏略竊見太湖居蘇常
湖三郡之中北受荆溪百瀆南受天目諸山之水匯
爲巨浸而分疏之大幹則以三江爲要三江者吳松
江婁江東江也東江自朱已湮逮明永樂間開黃浦
江寬闊深通足當三江之一故今亦謂之東江此三
江之分流交錯經吳江震澤吳縣元和崑山新陽青
浦華亭上海太倉鎮洋嘉定十二州縣之境其間港
浦縱橫湖蕩雜錯大槩觀之無處不可通流無地不
可分洩似亦可安於無事然百節之通不勝一節之
塞數港之洩不及一港之用則其勢必有所阻查太
湖出水之口不特寶帶橋一處其他如吳江之十八
港十七橋吳縣之鮎魚口大缺口爲湖水穿運入江
之要道亦不無淺阻又如入吳松之龐山湖大斜港
九里湖澱山湖澈浦等處向稱寬闊深通大資宣洩
者邇來民間貪圖小利偏植茭蘆圍築魚蕩亦多所
侵占臣本年正月間查勘蘇松太海塘親至劉河竊
見現在河形亦大非昔比舟楫往來必艱舟待潮崑
山外濠爲婁江正道淺狹特甚蘇州之婁門外河爲

江源出運咽喉之地河面僅寬三四丈不等偶遇秋霖四水匯集江身淺窄先爲本境之水所占必俟境水稍退然後湖水得出爲之傳送而上游已多所漫淹矣若及早治之舉多而功實倍今臣籌所以治之之法其運河以西凡太湖出水之口但就其有港可通有橋可渡之處爲之清釐占塞規仿舊額務使分流迅速無阻其運河以東三江故道吳松江自龐山湖以下婁江自婁門以下凡有淺狹阻滯處相度情形疏濬寬深務與上源所洩之數足相容納其江身中段一切植蘆桶簍及冒占水面之區查明儘數剷除嗣後仍嚴爲之禁則水之停蓄有處傳送以時並卽以挑河之土俾令加培圩岸再將現在牯座爲之經理其有去海太近建置非宜難於啓閉者另爲酌量改移務令啓閉得宜足資蓄洩庶渾潮不入清水盛強而海口之淤亦將不挑而自去凡此應辦之工估計所需雖覺浩繁然散在十二州縣通力合作實亦所出無多但用民之力與選董事分段督修仍需官董其成且工費較繁若待鳩集財力而後興工不無稍稽時日仰懇

天恩

准於公項內先行借動酌籌辦理於蘇松太三屬得

沽宜洩灌漑州縣分年按款照畝計數徵還則民力
既紓大工可期速集適督臣尹繼善以秋審來蘇臣
與面商尹繼善復因赴松江太倉等處閱兵之便道
途所經察勘吳松江婁江情形彼此意見相同謹會
同恭摺具奏奉

硃批如所議行

又候補知府李源議吳松應與劉河一并濬深稟
查勘得婁江淤澱較甚於吳松江吳松之淤澱浮流
於水面之間尚有中洪四五丈婁江之淤澱已成平
陸中洪頻窄疏濬之方應將婁江加寬加深同無疑
議第吳松江現議以水深七尺為率伏查志載前明
海忠介以吳松江有關太湖宣洩請帑疏濬開成面
闊一十五丈底闊七丈五尺深一丈五尺六寸
本朝康熙十年請帑並濬劉河吳松二江劉河挑濬面闊
一十一丈底闊六丈六尺深一丈五尺吳松江挑濬面闊
一十五丈底闊七丈五尺深一丈五尺雍正五年復
濬劉河吳松二江劉河挑濬面闊一十二丈底闊六
丈深止八尺吳松江挑濬面闊一十五丈底闊七丈
五尺深一丈是前濬吳松三次而底闊寬窄等惟濬
深前二次尚屬相仿後減三分之一以致淤淺倘以

水深七尺爲度誠恐一淺一深吳松上游湖水掣入
劉河下游渾潮洶涌直入況潮水現過黃渡并至泗
江口以上湖水不能敵潮沙泥留淀吳松一綫中洪
立見其於似應將吳松江工段照依現估劉河新口
面寬十六丈底寬十丈自水面至底濬深一丈與
劉河淺深一律相平則宜洩通暢利益無窮矣

三十二年婁縣知縣謝鎮藩濬李塢匯官塘

三十六年華亭知縣高辰濬城內外市河及泖涇

三十九年華奉婁三邑復會濬倉城河

四十年巡道李奉翰檄上海知縣史尚確濬城內外河

道按外城河係按署協濬內城河居民照址各開其橋
梁公占屏水築壩及無力者是年紳士李宗袁等捐

爲濬後遂南匯知縣成汝舟濬牯港都堂浦白蓮涇

附葉鳳毛重濬牯港碑記略吾邑左海右浦之四
方者必渡浦之浦必由港港之道有四惟牯港最直

捷然其身狹而日積潮汝之沙非時濬不能常通雍正以前於塞者數十年矣乾隆元年始濬而通之其後屢濬屢塞閱今又數十年往來者迂道而行航頭之人求飲於河而不可得公私交病恭遇成侯來蒞吾邑遂有開濬之舉經始於乾隆四十年閏十月初三日告成於十一月二十六日侯特立章程集十九保泊十六保二十一保之人計河分段計畝分摺計畝出夫河之長短相配於之深淺相配畝之肥瘠相配東自蓮花庵起西至三官堂止分三十六段設十八董事每畝又設董事董事率摺頭摺頭督役夫日出而作日入而息侯日至工步行巡視立赤幟以分界立量竿信椿輟木以測土限河面五丈河底三丈深六丈先濬底始容一鋤以漸而廣以達於涯使役夫不致濡足有不率者問董事撫土上岸寧違勿近以廿丈為率覆簣於田寧散勿聚以均平為度兩岸闢坦途廣丈餘內作塹以納土內有不率者責役夫董事日籍役夫之數以聞計用夫六十萬有奇橋之低者高之害船者遷之靜之曲者直之灣之故道墮之一濬之後可多歷年所故勞費雖大人情不憚後更有事視此碑刻良法具在焉

四十一年巡撫楊魁檄濬蒲匯塘蟠龍塘 是年婁縣

知縣張履親又濬西門外市河自日暉橋至大倉橋西

匯止奉賢知縣黃元變濬南橋塘璜涇

附知府張廷柄免派青浦荒畝濬河碑記略 乾隆
四十一年前署府曾議得嗣後蒲匯蟠龍兩河如勘
有淤淺應請分別緩急逐年次第開挑毋庸同時並
濬致煩民力所有蟠龍江即循蒲匯之例歸於熟畝
派挑惟查荒畝內如有實在獲沾此河水利者亦未
便聽其藉詞規避自應徹底清出飭令一體協濬方
為公允其餘不沾水利之荒畝即不得任聽經胥牽
混派撥應即飭縣秉公查明應濬熟畝若干係某某
等處獲沾水利之荒畝應協濬者若干係某某等處
分別開造清冊取具應濬各員耆業佃農依結詳候
憲示俟奉准後即令勒石公所永遠遵守以杜日後
混派滋擾四十二年續奉布政使增檄行四十九保
熟區畝分不得混入致滋弊漏等因除遵各憲批示
飭縣遵照相應照案逐一開明勒石永遠遵行定章程

以垂永久

計開應墾傍塘熟畝 三十四保一區東六八畝 獲沾水

西六八畝 三十五保一區二十六七畝

利之荒畝三十 三保一區二畝

荒畝免墾畝分 三十八保一區十三畝 廿八畝

廿九畝 三十四畝 三十一畝 三十二畝 三

十三畝 三十四畝 三十五畝 二十六畝 二十九畝

區廿四畝 廿五畝 廿六七畝 三區十九畝

廿二畝 廿三畝 廿八畝 四區四十畝 四十

一畝 四十二畝 三十三保二區二七畝 三十

四保二區二畝 四五畝 三區一畝 六畝 九

畝 四十四保一畝 四十五保一區七畝 三併十二畝

十四畝 四十五保一區七畝 三併十二畝

二區南五七畝 三區六併十三畝 四區八畝

四十六保二區三八畝 三區一畝 二畝 三畝

四區九畝 五十保三區二併十一畝 七區七

併十 三畝

四十二年署上海知縣韓運鴻開方浜壩基并建石牐
南匯知縣成汝舟濬新場包家橋港洪福橋港

附葉鳳毛濬新場市河碑記略 吾吳為澤國咸仰
黃浦之潮汝南匯一邑土厚水深不假潮汐而能涵
浸漲濬者多有之然當潮汐能達之處而為之疏通
導引以補其不足而節其旱澇又在乎人之能盡其
力焉文水成侯久蒞吾邑然知邑中水道之利弊前
濬牐港深通懋績昭著更念新場包家橋港自洪橋
港一南一北皆牐港之支流近皆淺阻今年春先濬
包家橋港引牐港之潮人時值少雨水流涓涓直達
於東之一團鎮田之栽稻者得允灌漑茲告有秋於
是次及於洪橋港是港西通牐港東接邑城尤為達
邑之孔道扼牐港之餘波東聯自然之水勢不容不
為之整理也即於夏秋之交拓其市心之故岸深其
水底之積淤撤其石橋之低壓向之室塞窘蹙者豁
然而開明向之篙簫抵觸者方舟而過進向之對宇
而故峙者減柱礎退石崖將革故而鼎新向之湮坵
因慢者渙然而清浮淵然而坳將行旅為之一快是

役也贊府曲阜王侯儒學長洲吳先生皆佐侯蒞事例得並書

四十三年南匯知縣成汝舟濬老護塘港

從邑人金青國棟請

浦知縣黃潼鯉濬城內各河

四十四年署婁縣知縣邱鏈知縣張履觀濬李塢匯南匯知縣成汝舟濬周浦塘署青浦知縣邊見龍濬珠溪

市河

附葉鳳毛重濬周浦塘碑記略 吾邑大夫文水成公蒞任以來常以水事為急周浦之塘乃漕艘所停泊其通塞關繫尤大至漕倉之東橫裊港榔子浜之西橫裊港裕秀橋港皆四方糧戶運米到倉之要道公以為為不為則已為則必使水無遺利人無遺力而後可多歷年所博采羣謀親為經畫自興工以訖告成無日不親履河干督率董事賞罰役夫寬狹之限寧過而無不及積土之所寧遠而戒近便統計大小

河身長二千七百一十六丈有奇分三十九段用夫
一十一萬有奇爲日自十月十八日起工至十一月
初四告成

四十六年華亭縣金山巡檢司吳金相詳濬方西塘奉

賢知縣王夢文濬南橋塘

附八十二老人陸省身吳公去思碑略 亭林爲華
亭首鎮華亭東南之水由昆連奉邑之干步涇至葵
湖塘張澤塘統洩於春申浦乾隆初亭林市河由運
港接葉謝塘進水潮泥易壅余佐理疏濬計十餘次
副綠葉謝塘淺議控干步涇水勢較捷而運港在
西稍南卽南橋塘再南則淺沙港直接龍泉達阮港
一泖水而數分之其源易竭其流易淤理勢固然宜
乎今運港自運通橋迤西至亭林北市河僅一線矣
若夫方西塘一河石橋三洞當日波濤浩瀾但余及
見時黃茅白葦溝壑不如從未有過而問津者巡司
吳公金相相度形勢深知運港難通倡議濬方西塘
由大洋涇接張澤塘水清而駛土人俱以畏難辭時

已春仲公乃奮然詳憲捐廉開濬跋涉河干戴星
出入農人感公之誠者鍤如雲不逾月而工竣

四十七年署婁縣知縣張大器濬沈涇塘

自木雲亭至
古山水橋止

上海知縣林培選濬華漕達奉賢知縣王夢文濬瑯涇
四十八年華亭知縣林培由濬城內河及東北城濠洩
涇至大灣上海知縣范廷杰濬肇嘉浜薛家浜方浜侯
家浜及大小支河

五十一年婁縣知縣謝庭薰濬西門外市河

自日暉橋
至大倉橋

止并濬東南城濠官紹塘署青浦知縣黃玉珣奉憲派

濬黃渡鎮吳松舊江

青浦與嘉定分濬通長九百十三
丈五尺青浦分濬二百二丈七尺

五寸按舊江係嘉定青浦跨江成市之地自二十八年
開濬越河之後二十餘年幾至淤塞市舶不通農田病

澗是年嘉定紳士金襄金燾等具呈巡撫
飭令照業食佃力例計畝募夫會同疏濬

五十二年華亭奉賢二邑會開運石河

五十四年華亭縣知縣梁蘭生濬方西塘祝家港并濬

學前河奉賢知縣張永和濬南橋塘

五十五年華亭知縣程明棟婁縣知縣寧貴上海知縣

周雲翮青浦知縣蔣勵宣濬蒲匯塘華亭又濬春申塘

盤龍塘運港招賢徑三里港新涇塘青浦又濬附近之

盤龍小涑河

蒲匯塘跨連華婁上青四邑於乾隆五十

四年據本地士民周煥等具呈府憲分撥

飭縣循例會同疏濬民課兩便所有應濬河身東自上海

海壁橋起至橫塘西口柘涇墩工長二千二百二丈內

婁青合濬一千九百九十七丈計土十一萬二千二百

八十方七分華青合濬二百五丈計土二萬一千五百

二十五方同時又據保圩倪肇昌沈國章等具呈
請濬蟠龍塘小涑河業循舊例一律派濬遂通

五十七年華亭知縣程明榛濬葉謝塘奉賢知縣王桂
懷濬南橋塘望河涇

嘉慶二年華亭知縣王勸婁縣知縣張昌運會濬東北
西城濠奉賢知縣王桂懷濬南橋塘上海知縣湯燾濬
薛家浜肇嘉浜方浜及一切支河南匯知縣張桂林濬
牐港

三年南匯知縣張桂林濬周浦塘又濬鹽鐵塘

從邑人姚伯驥

馮夢蟄等請

周浦市河

從邑人于世燦朱清榮等請

五年奉賢知縣趙堂檄委南橋巡司孫明和濬南橋塘

六年署松江府知府康基田濬華亭婁縣上海青浦聯

界之泗涇蒲匯塘奉賢之南橋塘塘西口建橋因千步潮水衝激不數年僅

存片金山之張堰塘又濬府城內外市河時華婁青各縣俱值辦漕

知府康親駐工次查勘上海內外城河

七年南匯知縣張昌運濬王家浜鹹塘

八年巡道李廷敬檄上海知縣石文連濬內外城濠城

內薛家浜肇嘉浜方浜侯家浜至三月告竣

九年華亭知縣周煒委巡檢唐步瀛督濬三里港運港

新涇塘

附顧潤濬河德政記略松江古所稱澤國也自三
江故道涇侵無稽蓄洩灌漑之利獨賴春申一江由

春申而南支流不一其隸華亭者自江口遙遷而東至張澤由張澤旋折而南至亭林湖過此而蔣莊而山陽而漕涇迄乎溧海諸地曲折曼衍皆全受亭林上流之永蓋春申江爲松江諸水之統宗而亭林湖又華亭南北之咽喉也百年來大澤細流漸次淤塞亭林數十里之間尤多旱潦之患由亭林湖而西達於江者曰三里港不數年淤矣其他沿流而南若新涇塘若楊樹澗之屬更無論焉乾隆開金華吳公金相治任倡議鑿祝家港通洋涇北引江水民咸稱便自茲以降旋鑿旋淤富者疲於財貧者疲於力嘉慶九年石塘唐公步瀛來視事倡議濬亭林諸湖擇里中廉能之士董其事而精明強幹者佐之典刑剔弊纖悉靡遺東至望何西及後港南底朱巷旁逮橫涇陳涇數十里枯槁之區駸駸乎潮汶大至而舟楫畢遭

十三年南匯知縣方恩承詳濬周浦塘

十四年華亭知縣李紹洛金山知縣鄭人康會濬漕涇

是年土人以張涇淤塞築壩斷斷涇水道自張涇口而東至松隱寺前已爲平陸自松隱寺而東至問津庵渡亦漸淤塞濬自後港十八畝

馮家渡口起至張堰南止

奉賢知縣張敏求縣丞向

文璜督濬南橋塘

自竹岡口東至塘灣數里璜徑自何家庫南至接龍橋數里共三千餘丈

從士民宋王詔等請

上海知縣郭元照濬蒲匯塘

是年十二月興工至明年四月

竣

十五年華亭知縣李紹洛婁縣知縣蘇獻琛青浦知縣

李廷莘會勸詳濬蒲匯塘

先是士民夏炳等於嘉慶十

寶東虹橋止計長二十餘里淤塞尤甚舟楫往來蒿蘊莫展請分撥華婁青各縣仍循業食佃力成例計田募夫與挑至是華婁青三邑會詳開濬同時青邑舉人趙文桂等復呈請兼濬蟠龍塘並飭照例將蒲匯附近之橫塘一律疏濬深通

十六年巡道鍾琦檄上海知縣王大同濬內外城河并肇嘉浜薛家浜方浜

十七年華亭知縣周煒濬祝家港

按是港因鹽鐵塘口漸長菱蘆遂致壅塞

數百頃田禾悉資灌溉夏秋亢暘禾苗往往枯槁士民俞鏞等呈請開濬并照乾隆壬子盛厚本宋玉詔呈請堵截望河千步華奉交界之所會同南橋巡司王啓元堵築以禦渾潮

十九年奉賢知縣陳文述捐廉築壩開南橋塘璜涇柘

瀝淺沙巨漕小牐

二十年松江府檄委南匯縣知縣沈映楓濬牐港及都

臺浦

松江府志卷十一終